

ԼՈՒՐԵՐ

ԱՐԱՐԱՏ



-ԻՑ

2011 / Թեհրան / Իրան

No. **101**

ՏԱՐԻ ՇԱՐՈՒՆԱԿ

ՀԱՅ

ՄՇԱԿՈՒԹԱՅԻՆ

ԱՐԱՐԱՏ

ԿԱԶՄԱԿԵՐՊՈՒԹՅՈՒՆ



Հ. Մ. «ԱՐԱՐԱՏ» ԿԱԶՄԱԿԵՐՊՈՒԹԵԱՆ
ՀԱՆՐՈՒԹԵԱՆ ՀԵՏ ԿԱՊ

Public Relation Of Armenian Cultural
«ARARAT» Organization

روابط عمومی باشگاه فرهنگی - ورزشی آرارات

تهران - میدان ونک - خیابان ونک - خیابان آرارات - ورزشگاه آرارات
کد پستی: ۱۹۶۶۷
تلفن: (+۹۸۲۱) ۸۸۰۲۰۲۲۲-۷ فکس: (+۹۸۲۱) ۸۸۰۲۲۶۴۱

Ararat Sport Complex, Ararat Ave.,
Vanak Sq., 19667 Tehran
Tel.: (+9821) 88030224 - 7
Fax: (+9821) 88032641

www.ararat.org.org
ararat@ararat.org.org

ԽՄԲԱԳՐԱԿԱՆ ԿԱԶՄ

ԹՂԹԱԿԻՑ ԵՒ
ԼՈՒԻՇԻԻ ԽՄԲԱԳՐՈՂ՝
Վարդան Ղաթեան

ԼՈՒՍԱՆԿԱՐԻՉ՝
Նարէկ Յարութիւնեան

ԿԱԶՄԻ ՁԵԽՈՐՈՒՄ՝
Թելիկ Ծատուրեան

ԷԶԱՅԱՐԴԱՐՈՒՄ՝
Թելիկ Ծատուրեան

ՍՐԲԱԳՐՈՒԹԻՒՆ՝
Արմէն Ղաթեան



ԲՈՎԱՆՂԱԿՈՒԹԻՒՆ

ՏԱՐԵՂԱՐՁ Է ԱՅՍՕՐ	2
ՆՇԵՑ 3.Մ.Ա.Կ.-ի ՀՄՆԱԴՐՈՒԹԵԱՆ 67-ՐԴ ՏԱՐԵՂԱՐՁԸ	4
«ԱՅՍՕՐ ԿԱԶՄԱԿԵՐՊՈՒԹԵԱՆ ՀՐԱՄԱՅԱԿԱՆ ԱՆՀՐԱԺԵՇՏՈՒԹԻՒՆԸ ԸՆԿԵՐԱԿԱՆ ՄԹՆՈԼՈՐՏ ՍՏԵՂԾԵԼՆ Է»	6
3.Մ.Ա.Կ.-ի ԿԵՆՏՐՈՆԱԿԱՆ ՎԱՐՉՈՒԹԵԱՆ ԱՅՑԸ՝ ԹԱՐԻԻՉԻ ՄԱՍՆԱՃԻՂ	14
3.Մ.Ա.Կ.-ի ԿԵՆՏՐՈՆԱԿԱՆ ՎԱՐՉՈՒԹԵԱՆ ԱՅՑԸ՝ ՈՒՐՄԻԱՅԻ ՄԱՍՆԱՃԻՂ	17
ԿԵՆՏՐՈՆԱԿԱՆ ՎԱՐՉՈՒԹԵԱՆ ԱՅՑԸ՝ ԳԵԱՐԴԱԲԱԴԻ ՄԱՍՆԱՃԻՂ	18
ԲԱՐԵԿԱՐԳՄԱՆ ՇԻՆՈՒԹԻՒՆՆԵՐ «ԱՅԳԵՍՏԱՆ»Ի ՏԱՐԱԾԵՐՈՒՄ	19
ԱՄԲՈՂՋՈՎԻՆ ՎԵՐԱՆՈՐՈԳԻԵԼ Է ՆՈԲԱՀԱՐԻ ԿԵՆՏՐՈՆԱՏԵՂԻԻ ՓՈՐՁԵՐԻ ՍՐԱՀԸ	20
ԱՐԴԵՆ ՀՐԱՊԱՐԱԿ ԵՆ ԻՋՆՈՒՄ «ԱՐԱՐԱՏ»-Ի ԱՂՋԿ. ԲԱՍԿԵՏԲՈԼԻ ԱՊԱԳԱՅ ՍԵՐՈՒՆԴՆԵՐԸ՝ ՆՈՅՆՊԵՍ ՅԱՂԹԱԿԱՆ ԴԻՐԵՐՈՎ	21
3.Մ.Ա.Կ.-ի ԱՄԱՌԱՅԻՆ ԱՇԽԱՏԱՆՔՆԵՐԸ՝ ՓՈՐԻԿՆԵՐԻ ԲԱԶՄԱԿՈՂՄԱՆԻ ԿԱՐՈՂՈՒԹԻՒՆՆԵՐԸ ԶԱՐԳԱՑՆԵԼՈՒ ՀԱՄԱՐ	22
«ԱՐԱՐԱՏ»-Ի ՎԱՍՏԱԿԱՒՈՐ ԲԱՍԿԵՏԲՈԼԻՍՏՆԵՐԸ ՀԱՍԱՆ ԵԶՐԱՓԱԿԻՉ	26
ԱԽԱՐՏԻՑԻՆ 3.Մ.Ա.Կ.-Ի ԼՈՂԻ ԴԱՍԸՆԹԱՑՆԵՐԸ	27
ԻՐԱՆԱՀԱՅ ԵՐԵԸ ԹԻՄԵՐԸ՝ ՀԱՅԱՍՏԱՆԻ ՀԱՄԱՀԱՅԿԱԿԱՆ 5-ՐԴ ՇՐՋԱՆԻ ՄՐՑՈՒԹԻՒՆՆԵՐՈՒՄ	28
ԱԽԱՐՏԻՆ ՀԱՍԱՆ 3. Մ. Ա. Կ. Ի 30-րդ ԱՐԱՐԱՏԵԱՆ ԳԱԽԹԻ ՖՈՒՏԱԼԻ ՄՐՑՈՒԹԻՒՆՆԵՐԸ ԵՒ ԱՌԱՋԻՆ ՏԵՂԸ ԳՐԱԽԵՑ ՀԱՅ ՀԱՄԱԼՍԱՐԱՆԱԿԱՆՆԵՐԻ ԸՆԴՀԱՆՈՒՐ ՄԻՈՒԹԻՒՆԸ	32
ՊԱՐԶԵՑԻՆ ՀԱՅԱՍՏԱՆԻ ՀԱՄԱՀԱՅԿԱԿԱՆ ԽԱՂԵՐԻՆ ՄԱՍՆԱԿՑՈՂ ԹԵՆԻՍԻՍՏՆԵՐԻ ԱՆՈՒՆՆԵՐԸ	36
ՈՐՈՂՆԸ ԵՆ ԹՄՐԱՄՈԼՈՒԹԵԱՆ ՆԱԽԱԴՐԵԱԼՆԵՐԸ	37
ՀԱՐՍՆԱՄԱՏ ՋՐԱՇՈՒՇԱՆԸ ԵՐԱՉԻ ՀԵՏ ԹԱՓԱՆՑԻԿՈՒԹԻՒՆ Է ԱՌԱՋԱՐԿՈՒՄ ԱՅՑԵԼՈՒՆԵՐԻՆ	39
3.Մ.Ա.Կ.-ի ԵՐԵՑՆԵՐԻ ՄԻՈՒԹԵԱՆ ԱՄՍԱԿԱՆ ՀԱՆԴԻՊՈՒՄ ՅՈՒՆԻՍ 2011	40
ՀԱՄԲԱՐՁՄԱՆ ՏՕՆԱԿԱՏԱՐՈՒԹԻՒՆ՝ ՄԱՐԶԱԽԱՆՈՒՄ	41
ԵՐԵՑՆԵՐԻ ՄԻՈՒԹԻՒՆԸ ՆՇԵՑ ՇՈՒՇԻ ԱԶԱՏԱԳՐՄԱՆ ՏԱՐԵՂԱՐՁԸ	42
ԱՐԵՄՏԱՀԱՅԱՍՏԱՆ ԺԱՄԲՈՐԴԵՆՔ՝ ԻՐԱԽՏԻՐՈՋ ԿԱՐԱՎՎԻՃԱԿՈՎ ԵՐԵՂՆԵՐԻ ՄԻՈՒԹԵԱՆ ՄԱՅԻՍ ամսւայ հաւաքը՝ Նւիրաժ Եղեռնի 96-ամեակին	43
ՀԱՍԵՐԳ ԵՒ ՈՒՐԱԽ ԵՐԵԿՈՅ «ԱՐԱՐԱՏ» ՄԱՐԶԱԽԱՆՈՒՄ	45
ԳՐԵԹԷ ԲՈԼՈՐՆ ԵՆ ԱՆՑՆԵԼՈՒ ՓԱՌԱՏՕՆ...	48
ՀԱՅԱՍՏԱՆԻՑ ԴԵՐ ԶՈՐ ՄԿՐՏԻՑԻՆ ԵՐԳԻ ԻՒՌՈՆՈՎ՝ ԿՈՄԻՏԱՍԻ ՇՆՉԻ ՏԱԿ 3.Մ.Ա.Կ.-Ի «ԱՐԱՐԱՏ» ԵՐԳՉԱԽՄԲԻ ՏԱՐԵԿԱՆ 7-ՐԴ ԵԼՈՅԹԸ	50
3. Մ.Ա.Կ.-Ի ՍԿԱՌՏԱԿԱՆ ՄԻՈՒԹԻՒՆԸ ՄԱՍՆԱԿՑԵՑ Ն.ՋՈՒՐԱՅԻ ՍԿԱՌՏԱԿԱՆ ՄԻԱՍՆԱԿԱՆՈՒԹԵԱՆ ՀԱՄԱԳՈՒՄԱՐԻՆ	54
ՇՐՋԱՆԻ ԱՌԱՋԻՆ ԱՍՏԻՃԱՆԱԽՈՐԱԿԱՆ ԳԻՇԵՐԱՅԻՆԸ	55
ՍԵՐՈՒՆԴՆԵՐԻ ՀԱՄԱՏԵՂ ՑՆՇՈՒԹԵԱՆ ԿԱՆՉԸ	56
3.Մ.Ա.Կ.-Ի ՍԿԱՌՏԱԿԱՆ ՄԻՈՒԹԵԱՆ ԳԵՐԱԳՈՅՆ ՄԱՐՄՆԻ ՀԱՆԴԻՊՈՒՄԸ ՃՐՏԳ. ԳԵՈՐԳ ՎԱՐԴԱՆԵԱՆԻ ՀԵՏ	60
ԾՆՈՂԱԿԱՆ ԱՆԴՐԱՆԻԿ ՆԻՍՏ	61
ԱՐԴԵՆ ԼՐԱՑԵԼ Է ՍԿԱՌՏԱԿԱՆ ՄԻՈՒԹԵԱՆ 60-ԱՄԵԱԿԸ	62
3.Մ.Ա.Կ.-Ի 29-ՐԴ ՄԻՋՄԱՍՆԱՃԻՂԱՅԻՆ ԽԱՂԵՐԸ՝ ԱՅՍ ՏԱՐԻ ԹԱՐԻԻՉՈՒՄ	63
3.Մ.Ա.Կ.-Ի ԹԱՐԻԻՉԻ ՄԱՍՆԱՃԻՂԸ ՊԱՏՐԱՍՏՈՒՄ Է ՀԻՐԸՆԿԱԼԵԼ 29-ՐԴ ՄԻՋՄԱՍՆԱՃԻՂԱՅԻՆ ՄՐՑՈՒԹԻՒՆՆԵՐԻ ՄԱՍՆԱԿՑՈՂՆԵՐԻՆ	64
ՀՆԱԴԻՊՈՒՄ ԹԱՐԻԻՉԻ ԹԵՄԻ ԹԵՄԱԿԱՆ ԽՈՐՀՐԴԻ ՀԵՏ	66
ՀԱՆԳԻՍ ՎԱՅԵԼԸ ԹԱՐԻԻՉՈՒՄ	68
ԹԱՐԻԻՉԻ ՄԱՍՆԱՃԻՂԸ ՆՇԵՑ ՄԱՅԻՍ 28-Ի ՏՕՆԱԽՄԲՈՒԹԻՒՆԸ	69
3.Մ.Ա.Կ.-Ի ՈՒՐՄԻՈՅ ԵՒ ԳԵԱՐԴԱԲԱԴԻ ՄԱՍՆԱՃԻՂԵՐԸ ՆՇԵՑԻՆ ՀԱՅԱՍՏԱՆԻ ԱՆԿԱՆՈՒԹԵԱՆ ՏԱՐԵՂԱՐՁԸ	70

Սիրելի ընթերցողներ,
 Լուրեր «Արարատից»-ի
 101-րդ համարի օրւայ խօսքը
 (որը տալիս ենք ստորել) նւիրւել է
 կազմակերպութեան 67 ամեակին
 եւ Հայ մշակութային «Արարատ»,
 կազմակերպութեան Կենտրոնական
 վարչութեան կողմից ընթերցւել է որպէս
 հանդիսութեան բացման խօսք, որը
 տեղի ունեցաւ երկուշաբթի,
 յուլիսի 4-ին, «Արարատ» մարզաւանի
 «Այգեստան»-ի շրջափակում:

ԽՄԲԱԳՐՈՒԹԻՒՆ



ՏԱՐԵՂԱՐԶ ԱՅՍՕՐ

Մի տարեդարձ, որ ժամանակին ծնունդ առաւ մեր ժողովրդի օրւայ մտահոգութիւններից ու պահանջներից, շնորհիւ մի խումբ գիտակից պատանի երիտասարդների, որոնք քաջ գիտակցելով օրւայ հրամայականը, ի մի գալով՝ կազմեցին միութիւն, որը այսօր դարձել է մի հզօր կազմակերպութիւն:

Ողջունելով Հ.Մ.Ա.Կ.-ի անդամներին, յիշելով մտքով ու հոգով կազմակերպութեան նւիրւած, սակայն բացակայ անդամներին եւ գլուխ խոնարհելով «Արարատ»-ին ծառայած, բայց մեզանից առյաւելտ հեռացած միութենականների յիշատակի առջեւ, բացւած ենք յայտարարում կազմակերպութեանս 67-րդ տարեդարձի միջոցառումը եւ շնորհաւորում բոլորիս մտքի ու հոգու լուսաւորման տարեդարձը:

Գիտակցելով, որ միասնականութիւնըն ուժ է, այսօր՝ մենք բոլորս կանգնած մեր կազմակերպութեան 67-ամեակի սեմին, դարձեալ պիտի ուխտենք, որ միմեանց սիրելով ու հանդուրժելով՝ ձեռք-ձեռքի տւած՝ պիտի քայլենք դեպ առաջ՝ վերացնելով մեր դէմ ծառացած բոլոր խոչընդոտներն ու արգելքները, մեծ յաղթանակների հասնելու հեռանդկարով:

Այսօր կազմակերպութեանս տարբեր միութիւնների վարչական կազմերում, նշանակւած մարմիններում եւ յանձնախմբերում, ինչպէս՝ Կենտրոնատեղիի եւ մարզաւանի Վարիչ մարմիններում, Հանրային կապի եւ բազմաթիւ ժամանակաւոր յանձնախմբերում, մասնաճիւղերի վարչութիւններում եւ արտերկրի պատասխանատու կազմերում գործում են բաւական թւով արարատականներ, որդեկավարում են կազմակերպութեան աշխատանքները՝ առանց որեւէ ակնկալիքի: Պատիւ ու

յարգանք իրենց:

«Ծառը արմատով է ծառ, տունը հիմքով է տուն»։ Բարձր գնահատելով Երեցների միութեան հաւատարմութիւնը իրենց առաքելութեան եւ կոչումին, ի լուր բոլորի՝ յայտնում ենք, որ Երեցների միութիւնը միշտ սատարել է կազմակերպութեան բոլոր միութիւններին եւ մարմիններին, հոգալով նրանց կարիքները եւ փարատելով մտահոգութիւնները՝ պարարտ հող ստեղծելով տարւող աշխատանքների համար։ Պատիւ ու յարգանք իրենց, թող օրըստօրէ ամրապնդւի մեր կազմակերպութեան հիմնասիւները:

Աշխատանքների ծիրում այս տարի լրանում է Սկաուտական միութեան 60-ամեակը: Այս երկար տարիների ընթացքում միութիւնը իր մեծ դերն է ունեցել կազմակերպութեան յարկի տակ աշխատելով՝ դաստիարակել միութենական շնչով ու ոգով տոգորւած սերունդներ՝ ապահովելու համար կազմակերպութեան ապագայ կառոյցը:

Արւեստի բնագաւառում տարւող աշխատանքները՝ երգ, պար, թատրոն, ձգտելով որակին՝ այն միջոցներն են, ուր արւեստի ներկայացմամբ՝ աշխատում են բարձր պահել կազմակերպութեան անունը եւ հային վայել ճաշակը:

Մեծ յաղթանակներ արձանագրած՝ երկրի տարիների ախոյեան Մարգարեան միութեան աղջկանց բասկետբոլի խումբը, որ մեծ փառքի է արժանացրել Զ.Մ.Ա.Կ.-ին, շարունակում է իր յաղթական երթը՝ անպարտ մնալով բոլոր մրցութիւններում: Հարկ ենք նկատում շնորհակալութիւն յայտնել խմբի բոլոր անդամներին եւ պատասխանատու կազմին՝ մաղթելով նորանոր վերելքների արձանագրում: Յոյսով՝ ինչպէս միշտ՝ մարգարեան միւս մարգաձեւերն

էլ այս տարի մասնակցելով Հայաստանի համահայկական խաղերին՝ յաղթանակների պիտի արժանանան ու պատիւ լինեն կազմակերպութեան:

Գնահատելի աշխատանք է տարւում նաեւ կազմակերպութեանս մասնաճիւղերում. ի նկատի ունենալով շրջանների հայաթափման ցաւոտ իրականութիւնը, մասնաճիւղերի վարչութիւնները եւ անդամները ո՛չ մի ջանք չեն խնայում կատարելու իրենց միութենականի պարտականութիւնները եւ ազգին ծառայելու պարտաւորութիւնները:

Որպէս պատկառելի անցեալ ունեցող մի կազմակերպութեան անդամներ՝ սրբազան պարտք ունենք՝ թե՛ բարոյապէս, եւ թե՛ ֆիզիկապէս պահելու եւ պահպանելու այն ամենը, ինչ հասել է մեզ. ուստի՝ պէտք է բոլորս լծենք աշխատանքի: Մարգարեան եւ մշակութային աշխատանքների կողքին՝ առաւել ուշադրութիւն պիտի դարձնել մեր մատաղ սերնդի ազգային ոգով դաստիարակութեան, որը մեծապէս կը նպաստի ազգապահպանման սուրբ գործին:

Սիրելիներ, թող մեր կազմակերպութիւնը օրըստօրէ աճի եւ բարգաւաճի եւ նրա յարկի տակ մեր միութենականները քայլեն հայ ազգի գերագոյն նպատակի իրականացման ճանապարհով: Մաղթում ենք աշխատանքային բեղմնաւոր եւ առաջադիմութիւններով ու յաղթանակներով լի տարի:

Ոյժ ու կորով ենք ցանկանում Ձեզ՝ սիրելիներ, եւ շնորհաւորում բոլորիս հարազատ տան՝ «Արարատ»-ի հիմնադրման 67-րդ տարեդարձը:

67



ՆՇԻՆՑ Հ.Մ.Ա.Կ.-Ի ՀԻՄՆԱԴՐՈՒԹԵԱՆ 67-ՐԴ ՏԱՐԵՂԱՐՁԸ

«**Ա**նցել են արդեն 67 երկար ու ձիգ տարիներ, կեանքի են կոչել հարիւրաւոր խմբեր ու յանձնախմբեր, անխնայ աշխատել են միութիւններն ու ոչ մի առիթ բաց չեն թողել՝ ծրագրեր ձեռնարկելու: Ապացոյցը՝ այսօրայ կանգուն ու հաստատ սիւներն են «Արարատ»-ի:

Ահա այս տողերով սկսող բացման խօսքով, որն ընթերցեցին՝ Նայիրի Բալեանն ու Արգին Արիստակեսեանը, սկսեց Հայ մշակութային «Արարատ» կազմակերպութեան հիմնադրութեան 67-րդ տարեդարձի տօնախմբութիւնը, որը տեղի ունեցաւ երկուշաբթի, յուլիսի 4-ին, «Արարատ» մարզաւանի «Այգեստան»-ի տարածքում:

Իսկ դրանից առաջ կազմակերպութեան Սկաուտական միութեան նաագախըմբի եւ դրօշակիրների մուտքով՝ ծա-

ծանւեց կազմակերպութեան դրօշն ու հնչեց հիմնը:

Բացման խօսքից անմիջապէս յետոյ՝ տարածքի կենտրոնում պարով ելոյթ ունեցաւ կազմակերպութեան «Արարատ» պարախմբի թիւ 1 խումբը, որից յետոյ բեմի վրայ արտայայտւեց Սկաուտական միութեան սկաուտապետ խմբապետ Արբի Գալստեանը:

Նկատի ունենալով, որ 2011 թւականը համընկնում է նաեւ Սկաուտական միութեան հիմնադրութեան 60-ամեակին, ցուցադրեց մի տեսաժապաւէն, որտեղ համառօտ կերպով ներկայացւում էին Սկաուտական միութեան աշխատանքներն ու գործունեութիւնը:

Ապա բեմ հրաւիրեց Կենտրոնական վարչութեան նախագահ ընկ. Համլետ Խալոյեանը՝ օրայ առիթով արտայայտ-



ԼԵՂՈՒ:

Խօսքում նշած էր նաեւ «Ողջունելով Զ.Մ.Ա.Կ.-ի անդամներին, յիշելով մըտքով ու հոգով կազմակերպութեան նւիրած, սակայն բացակայ անդամներին եւ «Արարատ»-ին ծառայած, բայց մեզանից առյաւելո՛ւ հեռացած միութենականների յիշատակի առջեւ՝ բացւած ենք յայտարարում կազմակերպութեան 67-րդ տարեդարձի միջոցառումը՝ շնորհաւորելով բոլորիս մտքի ու հոգու լուսաւորման կառնոյցի տարեդարձը:

Կազմակերպութեան նախագահի խօսքից յետոյ՝ Զամլետ Խալոյեանի, Թ. Զ. Թեմական խորհրդի ատենապետ Էդուարդ Բաբախանեանի, ԶԶ դեսպան Գրիգոր Առաքելեանի եւ Մարգական միութեան նախագահ Սեպուհ Անդրեասեանի ձեռամբ յուշանւերներ յանձնւեցին անցեալ տարում յաջողած մարզիկ-մարզուիիներին, ի շարս դրանց՝ Զ.Մ.Ա.Կ.-ի աղջ. բասկետբոլի խմբի անդամներին ու պատասխանատուներին:

Վերջում տարեդարձի տորթը Սկաւտական միութեան գերագոյն աստիճանաւորների միջոցով «Այգես-

տան»-ի տարածքի կենտրոն բերւեց ու հատւեց կազմակերպութեան վաստակաւոր հիմնադիր- անդամներ՝ Յասմիկ Թումանեանի եւ Աշոտ Ստեփանեանի միջոցով, որից յետոյ տեղի ունեցաւ խրախճանք եւ ընդունելութիւն:

Ծրագրի ընթացքում ողջոյնի եւ շնորհաւորական խօսքով արտայայտւեց Թեհրանում Զայաստանի Զանրապետութեան արտակարգ եւ լիազօր դեսպան Գրիգոր Առաքելեանը:

Աւելացնենք, որ հաշւի առնելով Սկաւտական միութեան 60-ամեակը՝ սկաւտների ներկայութիւնը աւելի գունեղ ու ցայտուն էր, եւ նոյնիսկ «Այգեստան»-ի մուտքը սկաւտական բանակումների գերանէ դարպասի կերպարանք էր ստացել:

Նշելի է նաեւ, որ հանդիսութեանը ներկայ էին նաեւ՝ Զայաստանի պատանեկան բասկետբոլի հաւաքականի եւ Զայաստանի լեռնագնացութեան ֆեդերացիայի պատւիրակութեան անդամները:

Կազմակերպության ԿՎ Նախագահ ընկ. Համլետ Խալոյեան.

«ԱՅՍՈՐ ԿԱԶՄԱԿԵՐՊՈՒԹԵԱՆ ՀՐԱՄԱՅԱԿԱՆ ԱՆՀՐԱԺԵՇՏՈՒԹԻՒՆԸ ԸՆԿԵՐԱԿԱՆ ՄԹՆՈՒՈՐՏ ՍՏԵՂԾԵԼՆ Է»



«ԸՆԿԵՐՆԵՐԻՑ ԱԿՆԿԱԼՈՒՄ ԵՆՔ ՅԱՆՁՆԱՌՈՒԹԻՒՆ ԵՒ ԿԱԶՄԱԿԵՐՊՈՒԹԵԱՆ ԱՄՐԱՊՆԴՈՒՄ»

«Կազմակերպության Հանրային կապը եւս ունի շատ կարելի առաքելություն»

Արդեն չորս ամիս է, ինչ իր աշխատանքն սկսել է Հ.Մ.Ա.Կ.-ի 24-րդ Պատգամաւորական ժողովի կողմից ընտրւած Կենտրոնական վարչութիւնը, եւ թերեւս ոմանց դիտանկիւնից՝ վաղ էր հարցազրոյց կազմակերպելը, սակայն նկատի ունենալով այն պարագան, որ իւրաքանչիւր մարմին իր հետ բերում է Նաեւ նորութիւններ, հարցազրոյց ունեցանք կազմակերպության Կենտրոնական վարչութեան Նախագահ ընկ. Համլետ Խալոյեանի հետ, որի ամբողջութիւնը ներկայացնում ենք Ձեզ:

Հարցում. Որո՞նք են նորընտիր Կենտրոնական վարչութեան աշխատանքային առաջնահերթութիւնները:

Ընկ. Համլետ Խալոյեան. «Նորընտիր Կենտրոնական վարչութեան համար առաջին տեղն է գրաւում նոր մարմինների ընտրութիւնը եւ նշանակումը, վարչութիւնների ընտրութիւնները՝ իրենց բարձրագոյն ժողովներից, որը, բարեբախտաբար, այս տարի շատ սահուն ընթացաւ: Ունենալով անցեալի փորձառութիւնը, երբ այս գործընթացը, այսինքն՝ մարմինների կեանքի կոչելը եւ կազմերի ամբողջացումը, երբեմն տեւում էր երկու-երեք ամիս, բարեբախ-

տաքար, այս շրջանում ընկերների բարեացակամ լինելու եւ մանաւանդ փորձառու ընկերների աշխատանք ստանձնելու երեւոյթը մեզ շատ ուրախացրեց եւ օգնեց, որ այդ մարմինները շատ արագ ի մի գան եւ ծրագրաւորեն իրենց աշխատանքներն ու գործի անցնեն:

«Դա մեր առաջին աշխատանքն էր, որ լաւ ընթացաւ, եւ երկրորդը՝ նամակով դիմեցինք միութիւններին ու մարմիններին՝ իրենց տարեկան կարճատեւ ու երկարատեւ ծրագրերը ներկայացնելու համար, եւ, բարեբախտաբար, արդէն ստացել ենք գրեթէ բոլոր մարմինների ծրագրերը, եւ նրանք աշխատում են երկարատեւ ծրագրերի ուղեգիծ եւ 6-ամեայ ծրագրերը մշակելու համար: Մարգաւանի Վարիչ մարմինը շատ ծանրաբեռնաւծ է մանաւանդ ամառային ծանր աշխատանքներն առջեւում ունենալու պատճառով, դեռ չեն ամբողջացրել իրենց ծրագրերը, սակայն անելիքները համադրել են Կենտրոնական վարչութեան հետ եւ իրենց բնական ընթացքն են շարունակում»:

Ընկ. Զամլետ Խալոյեանը շարունակութեամբ աւելացրեց. «Նաեւ ունենք մասնաճիւղերի հարցը եւ սպասում ենք նաեւ ունենալ նրանց ծրագրերը, որպէսզի կարողանանք հանդիպելով իրենց հետ՝ իրականացնել աշխատանքները:

Յարցում.– Նկատեցինք, որ մարգաւանը անցեալ շրջանում Վարիչ մարմին չունէր, իսկ հիմա ունի: Այդ չլինելն ու լինելը ի՞նչ անհրաժեշտութեան թելադրանք էր:

Պատասխան.– «Մարգաւանի կառուցւելուց յետոյ՝ նկատի ունենալով մարգաւանի աշխատանքի ծաւալն ու ծանրութիւնը, ինչպէս նաեւ՝ Կենտրոնական վարչութեան աշխատանքային ծաւալը, վերջինս այն եզրայանգման եկաւ, որ այս հսկայ աշխատանքը չի կարելի բարդել միայն մէկ մարմնի ուսերին: Ուստի եւ՝ նման որոշում կայացաւ, ըստ որի՝ Կենտրոնական վարչութեան կողմից կեանքի կոչւի մի մարմին, որը իր վրայ առնելով Կենտրոնական վարչութեան որոշ իրաւասութիւնները՝ վերահասութիւն տայ մար-

գաւանի ծանր ու պատասխանատու աշխատանքներին»:

Ընկ. Խալոյեանը շարունակութեամբ ասաց. «Բնականաբար, ոչ մի աշխատանք չկայ, որ պատահականօրէն սահուն ընթանայ: Կազմակերպութեան ընդարձակելն ու ծաւալ ստանալը արդէն վարիչների կարիքն են պարտադրում: Աշխատանքի ընթացքում հետզհետէ նկատուում է, որ Կենտրոնական վարչութեան գրասենեակի վարիչի, մարգաւանի վարիչի, աշխատանքների վարիչի եւ... կարիքն է զգացւում՝ աշխատանքները աւելի սահուն ու գործնական դարձնելու համար: Եւ այդ անհրաժեշտութիւնից էր, որ նման կառոյցներ կեանքի կոչւեցին:

Հետագայում խաչաձեւումներ առաջացան վարիչների գործի մէջ, եւ դա ինքնին պատճառ դարձաւ, որ Կենտրոնական վարչութիւնը մտածի վարիչների մէկտեղման մասին, եւ դրանց միջոցով շարունակի աշխատանքը՝ աւելի արհեստավարժ հիմունքներով, եւ մարդուժն օգտագործւի կազմակերպութեան ուրիշ բաժիններում: Անշուշտ, այս կապակցութեամբ գոյութիւն ունէին տարբեր տեսակետներ: Անցեալ շրջանի վարչութիւնը փորձեց իրականացնել դա, բայց Պատգամաւորական ժողովը քննարկելով հարցը՝ իր դիրքորոշումն ունեցաւ եւ եզրակացրեց, որ հնարաւոր չէ մարգաւանը կառավարել Կենտրոնական վարչութեան միջոցով միայն՝ նկատի ունենալով նրա ուսերին արդէն իսկ ծանրացած աշխատանքները. ուստի եւ՝ կեանքի կոչւեց Վարիչ մարմինը:

Յարցում.– Այս պայմաններում որո՞նք են կազմակերպութեան առաջ ծառացած մարտահրաւերները:

Պատասխան.– «Հարցը, կարծում եմ, այսպէս բացելք. իրականութեան մէջ, ընդհանրապէս, կարծում ենք՝ մեր համայնքում, մեր կազմակերպութեան մօտ գոյութիւն ունի այն ներուժը, որով կարողանանք շատ աշխատանքներում յաջողութիւն ձեռք բերել: Բայց, հիմնականում երկու հարց խոչընդոտում են՝ Առաջինը նիւթականն է, որի հետեւանքով՝ այսօր աշխարհում մարդիկ

իրենց անձնական կեանքում այնքան բազմազբաղ են, որ չեն կարող իրենց օրայ ժամերի չնչին մասն էլ տրամադրել ազգային աշխատանքներին: Անշուշտ, սրա կողքին կայ նաեւ մարդու ժի եւ ճիշտ մարդուն ճիշտ տեղում տեղաւորելու եւ աշխատանք յանձնարարելու հարցը: Բայց, դրանով հանդերձ՝ համոզւած ենք, որ եթէ նիւթականը ապահովւած լինի, եւ կազմակերպութիւնը որեւէ որոշում կայացնի, աշխատանքը կը կատարւի: Բայց, երբ նիւթականն է լինում հիմնական խոչընդոտը, դա ծանրացնում է ընկերների պատասխանատւութիւնը, քանի որ էներգիայից, տրամադրող ժամանակից եւ աշխատանքի ծանր պարտականութիւնից բացի՝ նրա ուսերին է բարդւում նաեւ նիւթականի հայթայթումը: Իսկ եթէ իրատեսօրէն դիտենք նիւթական հարցերն ու աշխատանքները ծրագրելիս՝ խնայողաբար մշակենք միջոցառումը, կարծում եմ, որ կը յաջողենք մեր աշխատանքներում եւ կիրականացնենք այն, ինչ որ մտադրել էինք:

Հարցում.— Նիւթական դժարութիւնները միշտ էլ եղել են կազմակերպութեան մտահոգութիւնների առաջին տեղում, ինչպէս պիտի՞ յաղթահարել դրանք:

Պատասխան.— «Հիմնականը ծրագրաւորումն է: Արդէն մարզաւանը իր այս ծաւալով ու ծախսերով հնարաւոր չէ նիւթապէս ապահովել հարսանիքներից, ընթրիքներից, ուրախ երեկոներից ու մարզական ու մշակութային ձեռնարկներից գոյացած եկամուտներով: Այստեղ մենք պարտաւոր ենք ուրիշ դիտանկիւնից նայել հարցին: Մենք եթէ ուզում ենք մեր կառույցը պահել, եթէ ուզում ենք մեր երիտասարդութեանը մեր շուրջը պահել, այս միջոցներով բոլորովին հնարաւոր չէ: Մանաւանդ որ՝ այսօր աշխարհում աշխատանքները տարւում են արհեստավարժ մեթոդներով եւ պակասում է սիրողաբար աշխատանքներ կատարողների թիւը, հետեւաբար՝ ճիշտ ծրագրաւորումներով պիտի համապատասխան եկամուտներ ապա-

հովենք եւ ըստ դրանց իրականացնենք մեր ձեռնարկները:

«Այդ առումով՝ հիմնականում նախ պիտի տեսնենք թե՛ ինչ կայ մեր ձեռքում՝ դա եկամտաբերի վերածելու համար: Անշուշտ, այդ եկամտաբեր միջոցները պիտի անհաշտ ու անհարազատ չլինեն մեր ու մեր կազմակերպութեան ոգուն ու ուղեգծին: Իհարկէ, սա շատ դժուար աշխատանք է:

Ընկ. Համլետ Խալոյեանն աւելացրեց. «Հիմնականում, մենք երկու միջոցներ ունենք մեր ձեռքում՝ նախ մարզաւանը եւ ապա՝ Նոբահարի կենտրոնատեղին: Պիտի խորհենք, թէ ինչ կերպով կարելի է այս երկու կենտրոններից օգտւել՝ եկամտաբեր աշխատանքներ կազմակերպելու համար: Սա, անշուշտ, ունի օգտագործելու երկու կողմ, նախ ներհամայնքային եւ ապա՝ մեր պարսիկ հայրենակիցների օգտագործման համար՝ անշուշտ միշտ նկատի ունենալով կազմակերպութեան ու մեր ժողովրդի հոգեբանութեանն ու սրբութիւններին անհաշտ ու անհարազատ չլինելու պարագաները:

«Զխաթարելով կենտրոնատեղիի եւ մարզաւանի ինքնութիւնը, մեր սկզբունքներն ու արժեքները՝ միաժամանակ օգտւենք նաեւ նրանց հնարաւորութիւններից՝ հասութաբեր նպատակների համար, որոնց հասոյթը ներդրւելու է հէնց մեր ժողովրդին եւ կազմակերպութեան անդամներին սպասարկութիւններ մատուցանելու համար:

«Միւս կողմից՝ պետական նպաստներն են, որոնք պիտի կարողանանք ճիշտ օգտագործել՝ միշտ նկատի ունենալով մեր որդեգրած խնայողութեան քաղաքականութիւնը:

«Այս երկու կենտրոններից ամենալաւ կերպով օգտւելու համար գաղափարներ ու տեսակետներ շատ կան, եւ կազմակերպութեան բոլոր միութիւններից ու մարմիններից էլ ուզել ենք, որ այս ուղղութեամբ մտածեն, նոր եկամտաբեր միջոցներ փնտրեն, եւ արդէն իսկ առաջարկութիւններ ստացել ենք, Կենտրոնական վարչութիւնն էլ իր օրակարգի մէջ ունի մի քանի մտայղացումների քննարկումը,

եւ յոյս ունենք, որ այս շրջանում այդ առումով դրական ձեռքբերումներ ունենանք՝ Պատգամաւորական Ժողովի հաստատումն ունենալով: Նազագոյնը այդ առաջարկութիւնները գործնականացնելով՝ փորձնական շրջան անցկացրած կը լինենք, որպէսզի Պատգամաւորական Ժողովը աւելի ճիշտ դիրքորոշւի եւ աւելի ճիշտ եզրակացութիւնների յանգի:

Ընկ. Համլետ Խալոյեանը ի միջի այլոց նշեց. «Միւս կողմից՝ մարզական եւ մշակութային խմբերի հարցն է, որ այսօր ամբողջ աշխարհում էլ դրանք ինքնաբաւ չեն աշխատում, այլ հովանաւորների ու եկամտաբեր աշխատանքների միջոցով է, որ կարողանում են յարատեւել: Այդ պատճառով էլ՝ ծրագրեր են մշակւում, որպէսզի յայտնաբերեն յանձնառու հովանաւորներ ու եկամտաբեր ձեռնարկութիւններ՝ լաւ մարզախմբերի ու մշակութային յաջող խմբերի յարատեւումը երաշխաւորելու համար»:

Հարցում.՝ Նիւթական խնայողութեան քաղաքականութիւնը ներկայի ճգնաժամային պայմաններում անխուսափելի է, ինչպէ՞ս էք ծրագրաւորում խնայողութեան եղանակը:

Պատասխան.՝ «Շրջանի Կենտրոնական վարչութեան կեանքի կոչւելուց անմիջապէս յետոյ՝ որդեգրւեցին երկու հիմնական քաղաքականութիւններ. առաջինը կարճատեւ ու անմիջական, իսկ միւսը երկարատեւ ծրագրաւորում՝ խնայողականութեան համար: Կարճատեւ ծրագրաւորման համար արդէն բոլոր մարմիններին ու միութիւններին նամակ յղեցինք՝ ասելով, որ ուշադիր ու բծախնդրութեամբ հետեւեն իրենց ծախսերին, որքան հնարաւոր է՝ խնայողութեամբ կազմեն իրենց ձեռնարկների ծրագրերը, որպէսզի կարողանանք մի կերպ դուրս գալ այս տագնապային վիճակից:

«Բայց, դա իրականութեան մէջ ժամանակաւոր ու ոչ յարատեւ միջոց է եւ ոչ թէ՛ հիմնական ելք:

«Ներկայումս կազմի նիւթական պատասխանատու ընկ. Վարուժ Իսախանեանը քննարկում է կազմակեր-

պութեան ելեւմուտը՝ ճանաչելու համար այն բաժինները, որոնք յաւելեալ ու անվերադարձ ծախսեր են համարւում, եւ ինչպէս կարելի է՝ դրանց առաջն առնել: Եւ ամենակարեւորն այն, որ տարւայ ընթացքում լինում են եղանակներ ու պահեր, երբ նիւթական բաւարար վիճակներում սկսում ենք առատօրէն ծախսել ու չենք մտածում, որ դա ժամանակաւոր երեւոյթ է, ու շուտով վրայ է հասնելու նիւթական սեզոնային ճգնաժամը: Մեր նպատակը սա է, որ մեր մարմինները հենց այդ առատութեան ժամանակաւոր շրջանում եւս մտաբերեն ճգնաժամի պահերը եւ այդ ժամանակ էլ չմոռանան խնայողութեան քաղաքականութեան որդեգրման որոշումը»:

Հարցում.՝ Միութիւններն ու մարմինները հասութաբեր միջոցներ կիրառելու համար՝ ի՞նչ սահմանումներ-իրաւասութիւններ ունեն:

Պատասխան.՝ «Ընդհանրապէս, միութիւններն ու մարմինները մտածելու եւ տեսակետներ առաջարկելու հարցում որեւէ սահմանափակում չունեն, կարող են մտածել, ծրագրել ու առաջարկել: Իմ գնահատումով՝ եթէ սահմանում ենք ճշտում, արդէն փոքրացնում ենք մտածելու հորիզոնը, ու երբ հորիզոնն ենք փոքրացնում, արդէն սահմանափակում ենք, ու առաջանում են այն դժւարութիւնները, որոնք գոյութիւն են ունեցել տարիներ առաջւանից: Այդ իսկ պատճառով էլ՝ բոլոր մարմիններին ու միութիւններին փոխանցել ենք, որ առանց սահմանում նկատի ունենալու՝ մտածեն եւ ծրագրերն հնարաւորինը, նիւթական աղբիւրներ ապահովեն՝ առանց սկզբունքային շեղումների:

«Ներկայումս հաւաքագրում ու քննարկում ենք առաջարկները եւ ապա գործադրութեան անցնում, պայմանով, որ որեւէ վնաս կամ վտանգ չառաջանայ համայնքի եւ կազմակերպութեան համար:

Հարցում.՝ Ֆուտբոլի – բասկետբոլի նիւթական դժւարութիւնների վերացումը որքանո՞վ է կախւած պետական առանձնակի յատկացումներից. պա-

րոն Գեորգ Վարդանեանի գրասենեակի յայտարարած գումարը որքանո՞վ կը ծածկի բացը եւ, ընդհանրապէս, այս երկու յատկացումները ինչո՞վ են փոխկապակցուում միմեանց հետ:

Պատասխան.— Ինձ թւում է, թէ այլեւս երկու յատկացում չունենք, այլ մնում է մէկը: Եթէ ֆուտբոլի մասին է, այդ յատկացումը կատարուում է ֆուտբոլի անունով կամ բասկետբոլի անունով է յատկացում կատարուում: Ուրեմն՝ այստեղ այլեւս ընտրութեան տեղ չի մնում, որ դիմենք՝ մարզանքը զարգացնելու համար նորից յատկացում սպասելով: Գուցէ տարւայ ընթացքում պարագայաբար ինչոր նման ակնկալիք գոյութիւն ունենայ, սակայն դա այնքան չնչին գումար կը կազմի, որ չի ազդի մեր հիմնական աշխատանքների վրայ:

«Անցեալ շրջանում Կենտրոնական վարչութիւնը մի ծրագիր էր ներկայացրել բասկետբոլի եւ ֆուտբոլի ծախսերի համար, եւ այդ լոյսի տակ մի շարք յատկացումներ են կատարւել պրն. Գեորգ Վարդանեանի հետեւողական աշխատանքների արդիւնքում: Միակ յատկացումը դա է լինելու եւ դժւար թէ կարողանանք ուրիշ յատկացում եւս ստանալ:

«Բասկետբոլի վիճակն արդէն պարզ է մեզ համար, ունենք կառոյց ու անցեալից փորձառութիւն, նախատեսում ենք, թէ ինչքան ծախս ունի եւ դրա համապատասխան էլ ծրագիր ենք ներկայացրել Մարմնակրթութեան կազմակերպութեան, իսկ թէ ինչքան ենք կարող ստանալ, դա չի կարելի նախատեսել, բայց յամենայն դէպս՝ յոյս ունենք, որ ինչ-որ չափով ստանանք, որով մեր բասկետբոլն էլ կարող է սկսել իր թռիչքները:

«Իսկ ֆուտբոլի պարագայում նկատի ունենալով, որ դեռ չունենք կառոյցը եւ դեռ մի յստակ նախահաշիւ չի կազմւել ու չի էլ կարելի նախատեսել, թէ կատարած յատկացումը ինչ ժամանակաշրջանի դիմաց է, այսպիսով, ֆուտբոլի համար շատ բաներ չունենք ասելու: Բայց, այսքանը գիտենք, որ ըստ պրն. Գեորգ Վարդանեանի՝ տրամադրած 600.000.000 թումանը յատկացւելու է ֆուտբոլին: Այսինքն՝ բաս-

կետբոլին դեռ որեւէ յատկացում չի կատարւել:

«Մեր աղջիկների բասկետբոլը արդէն գիտենք, որ ինչ սքանչելի դիրքում է գտնուում, եւ վստահ ենք, որ եթէ տղայոց բասկետբոլի համար եւս ճիշտ ծրագրաւորում կատարւի, եւ ճիշտ ընթացք որդեգրենք, այս երկրում իսկապէս խօսք կունենայ ասելու եւ իր իսկական դիրքում կը կանգնի:

Կենտրոնական վարչութիւնը գօտեպնդւել է այդ ծրագրաւորումները կատարելու, որովհետեւ թէ՛ ֆուտբոլը, եւ թէ՛ բասկետբոլը մեր համայնքի եւ երիտասարդութեան մէջ խանդավառութիւն ու եռուզեռ են ստեղծում: Այս հեռանկարով է, որ պիտի ժողովրդին մեր կողքին պահենք, որպէսզի բարոյապէս մեր թիկունքին կանգնի եւ դժւար պահերին նիւթապէս օժանդակի մեզ:

Յարցում.— Արդեօք պետական յատկացումները ուղղակի՞ են տրամադրուում կազմակերպութեանը թէ՛ պրն. Գեորգ Վարդանեանի գրասենեակի միջոցով:

Պատասխան.— «Պետութիւնը «Արարատ» կազմակերպութեանն է ճանաչում եւ բոլոր յատկացումները մուծւում են «Արարատ» կազմակերպութեան հաշիւին: Ու եթէ չէք պիտի գրի, դա գրւում է «Արարատ» կազմակերպութեան հաշիւին: Այլ խօսքով՝ Մարմնակրթութեան կազմակերպութիւնը «Արարատ»-ին է ճանաչում եւ «Արարատ»-ն է այդ բոլորի պատասխանատուն՝ հաշւետւութեան պահին: Իհարկէ, պրն. Գեորգ Վարդանեանի աշխատանքները չափազանց գնահատելի են ու ինքն է ստեղծում այս յարաբերութիւնները, ինքն է տրամաբանում պետական շրջանակներին ու նման կապեր ստեղծում ու դիրացնում յարաբերութիւնները»:

Յարցում.— Նիւթական ներկայ պայմաններում ընդհանրապէս մարզական ի՞նչ յաջողութիւններ էք ակնկալում մարզիկներից:

Պատասխան.— «Իրականութեան մէջ, եթէ ընդհանրական խօսք ասելու լինենք, բոլոր այն, ինչը, որ մի ծնող սպասում է իր զաւակներից՝ իրենց դասե-

րի ու աշխատանքների ասպարեզում, նոյնն է կազմակերպութեան եւ մարզիկների միջեւ: Մենք մեր հնարաւորութեան սահմաններում աշխատանք ենք տանում եւ նոյնպէս աշխատանք ենք սպասում: Նկատի ունենալով այն դժարութիւններն ու նեղութիւնները, որ կրում ենք նիւթականը հայթայթելու համար, փոխադարձ հասկացողութեամբ՝ մենք էլ սպասելիքներ ունենք նրանցից: Բայց, մեր ակընկալիքը մարզիկներից այն է, որ իրենց աշխատանքների մէջ լինեն հետեւողական, ձգտեն երկրում ուղագրաւ լինել, քանի որ դա շատ կարեւոր է մեր համայնքի համար, եւ պահպանեն իրենց միասնականութիւնը, որը եւս շատ կարեւոր է»:

Ընկ. Զամբետ Խալոյեանը իր խօսքի մի այլ բաժնում ընդգծեց. «Ես եթէ «Արարատ»ի մասին խօսեմ, գուցէ զգայնութիւններ առաջանան, սակայն դա բնական է: «Արարատ»-ը, «Արարատականները» եւ այլն: Բայց, դա ինքնին արժէք է, միութեանական պատկանելութեան զգացումը շատ բնական է, նոյնպէս որ նման զգայնութիւն ունեն, օրինակի համար, «Եսթելալ»-ի կամ «Փերսեփոլիս»-ի հետեւորդները կամ «Բարսելոն»-ը: Եւ դրանք բոլորն էլ իրենց սիրած խմբի նկատմամբ զգայնութիւն ունեն: Բնականաբար, մեր մարզիկներն էլ նման զգայնութիւն պիտի ունենան՝ յաջողութիւններ ձեռք բերելու համար:

«Մեզ համար «Արարատ»-ը միմիայն մի կազմակերպութիւն չէ, այլ դրա հետ կապւած է նաեւ մեր համայնքի արժանապատուութիւնը: Կազմակերպութեան նպատակը համայնքին ծառայելն է»:

Յարցում.— Կազմակերպութիւնը ներկայ պահի դրութեամբ իրեն որքա՞ն է յանձնառու զգում սերունդներին պարկեշտ դաստիարակութիւն մատակարարելու համար:

Պատասխան.— Ես աշխատել եմ մինչեւ հիմա կազմակերպութեան տեսակետները յայտնել, բայց արդէն մի քիչ անձնական տեսակետ պիտի յայտնեմ:

Բնականաբար, մեր սերունդների դաստիարակութիւնը շեշտւած է մեր նպատակի մէջ եւ յստակ ու կարեւոր տեղ է յատկացւած դրան: Մեր կարծիքով՝ դրանից բացի եթէ լինէր, անիմաստ կը լինէր կազմակերպութեան գոյութիւնը:

«Եթէ կարդանք կազմակերպութեան պատմութիւնն ու անցեալը եւ դիտենք որոշումները, իր բոլոր աշխատանքներում, ֆուտբոլից մինչեւ գեղարուեստական ու մշակութային խմբեր կազմել, կարեւորութիւնը տրուել է մանուկներին ու երիտասարդներին: Ընդհանրապէս, համոզւած ենք, որ դաստիարակութիւնը սկսւում է ընտանիքներից, կազմակերպութիւնը ինչ-որ չափով կարողանում է ազդել այդ դաստիարակութեան վրայ: Սովորաբար, կազմակերպութեան անդամ են դառնում այն անհատները, որոնք գիտեն ինչու են գալիս այստեղ եւ ինչ նպատակով: Սա շատ նուրբ եւ պատասխանատու հարց է: Ես համոզւած եմ, որ յանձնառու եւ զգօն սերունդներ դաստիարակելը այն բարդ հարցերից է, որ իր բարդութիւններով հանդերձ՝ կազմակերպութիւնն իր ջանքը կենտրոնացրել է դրա իրականացման վրայ:

«Մեր Սկաուտական միութեան մէջ այդ հարցը աւելի բնականոն եւ ճիշտ ընթացքի մէջ է, եւ տեսնում ենք, որ նոր սերունդի թիւը մեր կազմակերպութեան մէջ աւելի շատ է Սկաուտականից: Մարզականում կայ ուրիշ մօտեցում. բնականաբար, աւելի բարձր տարիքում հնարաւոր չի լինում դաստիարակչական աշխատանք տանել: Բայց, ազգային ոգին ու ազգային մտածումներն ու զգացումներն են, որ երիտասարդներին առաջնորդում են համախըմբել կազմակերպութեան շուրջ: Բայց, սա էլ այն աշխատանքներից է, որոնց շուրջ դեռ պիտի ծրագրաւորումներ, ուսումնասիրութիւններ կատարեն ու յանձնախմբերը եւ մարմինները աւելի ուշադիր լինեն, սակայն ընդհանրութեան մէջ պարկեշտ սերունդ դաստիարակելը կազմակերպութեան նպատակային առաջնահերթութիւններից է»:

Հարցում.— Կազմակերպչական կարգապահությունը առաջին խթանիչ ուժն է հալաքական աշխատանքներում: Այսօր կազմակերպության անդամները ի՞նչ կարգավիճակում են, դեռ ինչե՞ր կան անելիք, եւ արդեօք բաւարար էք նկատում այդ վիճակը:

Պատասխան.— «Իմ կարծիքով՝ եթէ նոյնիսկ աշխարհի ամենահզօր կազմակերպութիւններն էլ բաւարար զգան իրենց աշխատանքները, անպայման տեղեւոյ կարծանագրեն: Ուրեմն՝ ես չեմ կարծում, որ բաւարար չափի հասած լինենք: Կարծում եմ՝ ներկայ իրավիճակում, երբ կազմակերպութիւնը կարողանում է մէկտեղել եւ մի այսպիսի ծանր աշխատանք կատարել, դա ապացուցում է, որ մի կազմակերպչական հասունութիւն գոյութիւն ունի: Փաստը ցոյց է տւել, որ ճգնաժամային պահերին այս հալաքականութիւնը ստեղծւում է եւ կարողանում է կազմակերպութեանը փրկել նեղ կացութիւններից: Նոյնպէս, երբ մեր մարզական խմբերը կարողացել են իրենց միասնականութիւնը պահել, կարողացել են զարգացում ապրել ու շատ արագ եղանակով մեծ յաջողութիւններ արձանագրել: Ու նոյնպէս, երբ չի կարողացել իր կազմակերպչական կառոյցը ճիշտ պահել, ձախողւմներ է ունեցել:

«Ես կարծում եմ՝ մեր չորս միութիւնները կազմակերպչական իմաստով լաւ դիրքում են գտնւում: Օրինակի համար՝ մեզ մօտ կազմակերպւում են Համահայկական, Համադպրոցական եւ Նմանատիպ խաղեր ու ձեռնարկներ, որոնց կազմակերպումը չափազանց դժւար աշխատանք է: Բայց, երբեք չենք հանդիպել մի պահի, որ ասենք՝ կազմակերպւածութիւն չկայ՝ դրանք կազմակերպելու համար, սակայն կան թերութիւններ: Դա շատ լաւ է կազմակերպւում մեզ մօտ, բայց համոզւած ենք նաեւ, որ դրանք պիտի տեղաւորւեն օրւան համապատասխան չափանիշերի ու նորմերի կադապարների մէջ, որին հասնելու համար՝ ինձ թւում է, թէ դեռ գործ շատ ունենք»:

Հարցում.— Տեղեկատւութիւններ հա-

լաքագրող յանձնախմբի կատարած աշխատանքների արդիւնքը որքա՞ն է շօշափելի եւ հնարաւոր է դարձել օգտւել դրանցից:

Պատասխան.— «Դա շատ դրական աշխատանք էր: Բայց, քանի որ նոր Կենտրոնական վարչութեան ընտրւելուց անցել է ընդամենը չորս ամիս, դեռ զբաղւած ենք առաջնահերթ ու ընթացիկ գործերով եւ յետոյ պիտի անցնենք արմատական աշխատանքների: Իսկ 24-րդ Պատգամաւորական ժողովի որոշումներից՝ մի ծրագիր ենք կազմել, որտեղ մեծ դերակատարութիւն են ունեցել ընկ. Հրաչ Չարիֆեանն ու ընկ. Ռուբինա Գալստեանը: Յունիս ամսւայ վերջից, երբ արդէն ձերբագատւած կը լինենք ընթացիկ աշխատանքներից, կը զբաղւենք արմատական հարցերով, որոնցից կարելորագոյնը այդ վիճակագրական ուսումնասիրութիւնն է»:

Հարցում.— Յառաջիկայ երկամեայ կարճատեւ եւ երկարատեւ ի՞նչ ծրագրեր ունեք:

Պատասխան.— «Այդ ուղղութեամբ անելիքներ շատ ունենք: Կարճատեւը երկու տարւայ, իսկ երկարատեւը՝ 5–6 տարւայ ծրագրերի մասին է: Ես կարծում եմ՝ յառաջխաղացք ունենալու համար՝ առանց ծրագրաւորման ոչինչ անել հնարաւոր չէ, եւ հնարաւոր էլ չէ, որ իւրաքանչիւր տարւայ համար հենց նոյն տարին ծրագրենք: Եւ վստահ եմ, որ կազմակերպութիւնը համոզւած է այս տեսակետի մէջ: Յոյս ունենք, որ ընկերների ուշադրութիւնը այս հարցի վրայ շատ կենտրոնացած լինի: Իհարկէ, միայն ծրագիր ներկայացնելը չէ, այլ դրանից կարելորդ այդ ծրագրի գործադրումն է: Մենք միութիւններին էլ փոխանցել ենք այս հարցը, որ այնպիսի ծրագրեր մշակեն ժամանակահատւածների համար, որոնց գործադրման մէջ դժւարութիւնների չհանդիպենք:

Հարցում.— Բաղձալի պատգամ՝ կազմակերպութեան անդամներին – ի՞նչ է ձեր սպասելիքը՝ ընդհանրապէս:

Պատասխան.— Համոզւած եմ, որ մեր

կազմակերպութեան բոլոր անդամները գիտակից եւ շատ յանձնառու են. իւրաքանչիւրը՝ իր բնագաւառում: Դրանից բացի չէր կարող լինել, այլապէս՝ կազմակերպութիւնը այսօր իր ոտքի վրայ չէր լինի: Բայց, զոնէ այս պայմաններում մեր սպասելիքը միասնականութեան պահպանումն է, յանձնառութիւնների ամբողջութեամբ կատարումն է, ընդհանրապէս յանձնառու լինելն է եւ ամենակարեւորը, որին շեշտաւորումով եմ ակնարկում, ընկերական մթնոլորտ ստեղծելն է:

«Մենք կազմակերպութեան մէջ միմեանց ընկեր ենք անւանում. այդ ընկերը լոկ մի դարձածք չէ, մեր կազմակերպութեան հիմքը ընկերական է: Պաշտօնները ոչինչ չեն նշանակում, դրանք ժամանակաւոր վարչական դրածքի արտայայտութիւններ են: Ես հաւատացած եմ, որ եթէ ընկերական մթնոլորտը նոյնութեամբ մնայ, մեզ մօտ շատ բաներ կը կատարւեն: Կենտրոնական վարչութիւնը յատուկ այս հարցի վրայ շեշտ ունի, որ կոպտութիւններն ու անհարթութիւնները հեռացւեն ու ընկերական եւ մտերմիկ մթնոլորտը տիրական լինի՝ յանձնառութեան հետ միասին:

«Պիտի աւելացնեմ նաեւ, որ մեր կազմակերպութեան թերութիւններից մէկն այն է, որ կազմակերպութեան անիւը շատ դանդաղ է պտտւում, դիւանական– վարչական գործընթացը շատ երկար է տեւում, բայց գիտենք, որ աշխարհն իր սրընթաց յառաջխաղացքով չի ընդունում այսպիսի գործելաեղանակ: Մի այսպիսի դարաշրջանում, երբ էլեկտրոնային փոստով հսկայական փոփոխութիւններ են կատարւում ու իրադարձութիւններ են տեղի ունենում, այսպիսի դանդաղ գործելաոճ ընդունելի չէ: Ես չեմ խօսում հիմնական սկզբունքային հարցերի մասին, մեր ընթացիկ աշխատանքները պիտի շատ արագանան:

«Մենք բոլոր միութիւններին ու մարմիններին խնդրել ենք, որ այսպիսի լինեն եւ մենք էլ հետամուտ ենք լինելու գործընթացի արագանալուն»:

Կազմակերպութեան Կենտրոնական վարչութեան նախագահը գտնւելով

Հանրային կապի գրասենեակում՝ շեշտեց, որ նմանօրինակ աշխատանքներում Հանրային կապը շատ կարեւոր դեր ունի. ընկերներին տեղեկութիւններ փոխանցելու, կազմակերպութեան լուրերը դէպի դուրս արտացոլելու, ժողովրդին կազմակերպութեան շուրջ հաւաքելու ուղղութեամբ եւս շատ աշխատանքներ ունի կատարելու: Յոյս ունենք, որ այս ուղղութեամբ Հանրային կապը շատ օգտակար հանդիսանայ եւ մեր կարեւոր աշխատանքներից մէկ մասի բեռը իր վրայ վերցնելով՝ օգնի, որ այս աշխատանքներն ամբողջութեամբ իրականանան:

Հ.Մ.Ա.Կ.-ի ԿԵՆՏՐՈՆԱԿԱՆ ՎԱՐՉՈՒԹԵԱՆ ԱՅՅԸ՝ ԹԱՐԻԶԻ ՄԱՍՆԱՃԻԻՂ



Ինչպես նախապես էլ էինք տեղեկացրել, Հայ մշակութային «Արարատ» կազմակերպության Կենտրոնական վարչության մտայնացմամբ՝ նոյն Գերագոյն մարմնի անդամներից կազմած մի պատվիրակութիւն (ընկերներ՝ Համլետ Խալոյեանը, Հրաչ Զարիֆեանը, Ռուբինա Գալստեանը, Մարինա Ղահրամանեանը, Վարուժ Իսախանեանը եւ Սերոժ Մատթեոսեանը), կազմակերպության Հանրային կապի մարմնի անդամներ՝ ընկերներ՝ Նարե Օհանեանի եւ Հարմիկ Նաւասարդեանի ընկերակցութեամբ, հինգշաբթի, յունիսի 2-ին մեկնեց Թաւրիզ:

Այցը սկսեց Հ.Մ.Ա.Կ.-ի Թաւրիզի մասնաճիւղի գրասենեակներն այցելելով: Այսպիսով՝ միութեան գրադարանը եւ հաւաքատեղին այցելեցին եւ տեղեկացան, որ բուժէն ունի իր աշխոյժ մթնոլորտը՝ կէսօրից յետոյ պահերին: Պատվիրակութիւնն այցելեց նաեւ միութեան տանիքը, որը Պատգամաւորական ժողովի որոշման համաձայն՝ նպատակ ունեն ծածկել եւ օգտուել որպէս հասութաբեր աշխատանքների

կենտրոն: Որպէս օրինակ՝ բիլիարդ, պինգ-պոնգ, միաժամանակ՝ բանակավայր: Հաւաքատեղիում ցայտուն կերպով իրեն ցոյց էր տալիս 60 տարւայ անցեալ ունեցող «Արարատ» կազմակերպության գերբը, որը Աշոտ Զուլեանի նկարչութեան աշխատանքն է:

Թաւրիզի մասնաճիւղում աշխոյժ է նաեւ Սկաուտական բաժանմունքը, որը իր շաբաթական աշխատանքներըն է տանում «Արարատ»-ի բակում եւ կամ Ատրպատականի հայոց թեմի առաջնորդարանի (Կենտրոնականի) պարտեզում: Մարզական միութիւնն աշխոյժ է իր պինգ-պոնգով, թեթեւատլետով, բասկետբոլով, ֆուտսալով:

Թաւրիզի մասնաճիւղի բասկետբոլի խումբը մասնակցում է տարեկան տարբեր մրցոյթների եւ Միջմասնաճիւղային խաղերին: Խաղեր է ունենալու կազմակերպության տարեդարձին նւիրած քառակողմ մրցութիւններում: Մասնակցել է Հայաստանի Համահայկական խաղերին (5-րդ անգամը լինելով) եւ Թեհրանի Համահայկական խաղերին: Կարելոր է նշել, որ

Թաւրիզի «Արարատ»-ի մասնաճիւղը Թաւրիզի միակ բասկետբոլի մարզակումբն է, որ տղայոց եւ աղջկանց բաժիններով երկու քւէի (ձայնի) իրաւունքով անդամակցում է Արեւելեան Ատլը-պատական Նահանգի բասկետբոլի

ՀԱՆԴԻՊՈՒՄ՝ ԱՏՐՊԱՏԱ- ԿԱՆԻ ՀԱՅՈՑ ԹԵՄԱԿԱՆ ԽՈՐՀՐԴԻ ՀԵՏ

Կենտրոնական վարչութեան պատ-
իրակութիւնը նոյն օրը կեսօրից յե-



հաւաքականութեանը (مجمع بسكتبالادزبايجانشرقي): Թաւրիզի մասնաճիւղի բասկետբոլի խումբը մասնակցում է Նաեւ Իսլամական յեղափոխութեան տարեդարձներին նւիրած խաղերին եւ Նոր Զուլայի «Արա-րատ» միութեան կողմից կազմակերպ-ւող Գարնանային խաղերին:

Հ.Մ.Ա.Կ.-ի Թաւրիզի մասնաճիւղի վարչութիւնը Կենտրոնական վարչու-թեան հետ ունեցած հանդիպման ըն-թացքում նշեց, որ խոր կապեր ունեն շրջանի ազգային իշխանութեան հետ եւ բարոյական սերտ կապեր՝ Ժողո-վըրդի հետ: Փոխանցեց Նաեւ, որ բաս-կետբոլի դաշտի ասֆալտապատման ծախսը կատարուելու է որպէս նւիրա-տըւութիւն:

Տեղեկացեց Նաեւ, որ Միջմասնա-ճիւղային մրցութիւնները տեղի են ու-նենալու յուլիսի 13-17-ը՝ Թաւ-րիզում: Իսկ Հ.Մ.Ա.Կ.-ի 43-րդ Հա-մահայկականից 15 օր առաջ ունե-նալու են քառակողմ մրցութիւններ՝ նւիրած «Արարատ»-ի տարեդարձին:

տոյ հանդիպում ունեցաւ Ատրպատա-կանի հայոց Թեմական խորհրդի ան-դամների եւ թեմի շրջանի հոգեւոր հովիւ Վաղինակ վրդ. Մելոյեանի հետ՝ նրան բացատրելով կազմակերպու-թեան նպատակները եւ վարչական կառոյցն ու դրւածքը: Հայր Սուրբի աղօթքով սկսեց նիստը: Նա ապա իր խօսքում ասաց թէ՝ մենք բոլորս արա-րատականներ ենք, Նոյի տապանը հանգրւանել է Արարատ լեռան վրայ, ունենք միայն մի Արարատ, ուրեմն՝ նպատակը Հայաստանն է, հետեւա-բար՝ բոլոր հայերը արարատականներ են: Թեմական խորհրդի անդամներն էլ յայտնեցին, որ միշտ կը լինեն «Արա-րատ»-ի թիկունքին, որով աւելի կը դիւրանան կառավարական կապերը՝ արտօնութիւններից օգտուելու առու-մով: Նրանք նոյնպէս ցանկութիւն յայտնեցին, որ իր աշխատանքները վերականգնի Հ.Մ.Ա.Կ.-ի Թաւրիզի մասնաճիւղի «Երազ» երգչախումբը: Վերջում Կենտրոնական վարչութեան կողմից յուշանւերներ յանձնուեցին Թե-

մական խորհրդին եւ շրջանի հոգեւոր հովին:

ՄԻՋՎԱՐՉԱԿԱՆ ՀԱՆԴԻՊՈՒՄ

Նոյն օրը կեսօրից յետոյ Կենտրոնական վարչութեան պատւիրակութիւնը մասնակցեց մասնաճիւղի միջվարչական հանդիպմանը, որտեղ արծարծեցին մի շարք խնդիրներ, որոնք յանձնւեցին Կենտրոնական վարչութեան ուշադրութեանը: Հանդիպմանը ներկայ էին մասնաճիւղի չորս բաժանմունքների վարչութիւնները: Ընդհանուր գեկոյց ներկայացրեց մասնաճիւղի վարչութիւնը, ապա խօսքը տրւեց բաժանմունքներին: Մարզական վարչութիւնը երիտասարդ կազմ էր: Նրանց խընդրանքը այն 50 կտոր ներքնակի տրամադրումն էր՝ իրենց Միջմասնաճիւղային խաղերի ընթացքում բանակավայրում օգտագործելու համար:

Արւեստից բաժանմունքի անունից տեղեկացրին, որ նպատակ ունեն անկախութեան 20-ամեակի առիթով ձեռնարկ ունենալ հոկտեմբեր ամսին: Նոյնպէս Հայաստանից Սամուէլ Գալստեանը եւ Ռազմիկ Ամեանը ցանկութիւն են յայտնել համերգ ունենալ: Աւելացւեց, թէ յիշեալները 20-ամեակի առիթով ունենալուց բացի՝ հաւանաբար համերգներ կունենան նաեւ՝ Թեհրանում եւ Նոր Զուղայում:

Հիւրընկալ վարչութիւնը յոյս յայտնելով՝ շեշտեց, որ «Երազ» երգչախումբը կարող է շատ լաւ դիրքեր զբաղեցնել տարբեր բեմերում եւ վարչութիւնը որեւէ ջանք չի խնայի «Երազ» երգչախումբի վերականգնման համար:

Արւեստից բաժանմունքի անունից ցանկութիւն յայտնեց, որ կենտրոնական Արւեստից միութիւնը թատերական ներկայացումներ ունենայ Թաւրիզում, ինչպէս նաեւ մերթընդմերթ փորձավարներ ու դերուստյց առաքւեն Թաւրիզ, որպէսզի ցանկացողները թատերական դասընթացներ ու փորձեր ունենան: Արւեստից միութիւնը նշում է նաեւ յոբելեաններ ու ունենում է տարբեր առիթներով ձեռնարկներ:

Երեցների բաժանմունքը եւս ցանկութիւն յայտնեց, որ միատեղ շրջակայութիւններ եւ զբօսաշրջիկական այցելութիւններ ունենան Թեհրանի Երեցների միութեան հետ:

Նոյն օրը ընթրիքին Կենտրոնական վարչութեան ներկայացուցիչները Թաւրիզի մասնաճիւղի կողմից հիւրընկալւեցին «Իլգիլի» զբօսայգու ճաշարանում:



Աւարտելով Թաւրիզ այցը՝ Զ.Մ.Ա.Կ.-ի Կենտրոնական վարչութեան ներկայացուցիչները 2011 թւականի յունիսի 4-ին Թաւրիզից ճանապարհւեց դէպի Ուրմիա: Ուրմիայում պատւիրակութեանը ջերմօրէն դիմաւորեց մասնաճիւղի նախագահ ընկ. Շաղիկ Ջորջեանը եւ վարչութեան անդամ Անդրէ Մեջլումեանը: Լսել էինք ուրմիահայերի լաւ հիւրասիրութեան մասին, եւ դա հաստատուեց մեզ համար:

Զ.Մ.Ա.Կ.-ի ԿԵՆՏՐՈՆԱԿԱՆ ՎԱՐՉՈՒԹԵԱՆ ԱՅՅԸ՝ ՈՒՐՄԻԱՅԻ ՄԱՍՆԱՃԻՂ

Ճոխ նախաճաշից յետոյ՝ խումբը մեկնեց «Արարատ»-ի մասնաճիւղի կենտրոնատեղի, ուր սպասում էին մասնաճիւղի վարչութեան անդամներ՝ Շաղիկ Ջորջեանը, Սեւան Ալեքսանդրեանը, Սարգիս Ազիզեանը, Սեւանայ Սարգսեանը, Րաֆֆի Ազիզեանը, Սարհատ Ազիզեանը, Արմէն Զաղղին, Անդրէ Մեջլումեանը եւ Ռիկարդօ Իւհաննանը: Խումբն այցելեց «Արարատ»-ի Ուրմիայի մասնաճիւղի հաւաքատեղին, գրասենեակները, բացատրութիւններ տւեցին իրենց պահեստի անմխիթար վիճակի մասին եւ այն, որ մտադրութիւն կայ Պատգամաւորական ժողովի որոշման համաձայն՝ տրւած նպաստը ստանալ եւ նորոգումներ կատարել պահեստում: Թեհրանի մասնաճիւղի կողմից տրամադրւած համակարգիչները հիմք ունենալով՝ մասնաճիւղը մտադիր է կազմակերպել համակարգչի դասարաններ՝ բոլոր անդամների համար: Խումբն ապա այցելեց իրենց գրադարանները եւ յուշեր թարմացան՝ մի գեղանկարչութիւն դիտելով:

Տրւած բացատրութեան համաձայն՝ շաբաթական 2 օր աշխատում է միութեան բուֆէն եւ երբեմն 100 հոգի են այցելում «Արարատ»: Այցելուները զբաղւում են առաւելաբար նարդիով, պինգ-պոնգով եւ ֆուտբոլով: Բացատրեց, որ ընկեր Ռաֆիկ Ալեքսանեանը սիրայօժար կերպով փորձեր է կատարում ֆուտբոլ սիրողների հետ:

Բասկետբոլի խումբն արդէն պատրաստում է յառաջիկայ Զամահայկական խաղերին մասնակցելու համար:

Պատւիրակութիւնն ապա միութեան սրահում համատեղ նիստ ունեցաւ

մասնաճիւղի վարչութեան հետ: Նախ ընկ. Զամլետ Խալոյեանը զեկուցեց Կ. վարչութեան 4-ամսեայ աշխատանքների մասին, խօսեց դժարութիւնների մասին եւ յոյս յայտնեց, որ ձգտումների ար-

դիւնքում՝ աւելի լաւ յարաբերութիւններ մշակեն ազգային մարմինների եւ պետական շրջանակների հետ: Կենտրոնական վարչութեան նախագահն ապա շեշտեց, որ բոլորը պիտի ծանօթ լինեն առգոյ հարցերին եւ խորհեն մտահոգութիւնների եւ մանաւանդ հասութաբեր միջոցառումների մասին: Ընկերը շեշտեց՝ այն վարչութիւնն է յաջող, որ չի շարունակում հնացած մեթոդները, այլ օգտւելով անցեալի փորձառութիւններից՝ չի կրկնում թերութիւնները եւ միշտ իրեն առաջնորդող է համարում յաջող փորձերը: Նա բացատրեց, որ փոխյարաբերութիւնները շատ կարեւոր առանցք են համարւում շրջանի Կենտրոնական վարչութեան գործելակերպի մէջ՝ աւելացնելով, որ մասնաճիւղերի համար ժողովրդի հետ շփւելը շատ աւելի հանգիստ ու դիւրին է Թեհրանի կենտրոնի համեմատութեամբ: Ժողովրդի հետ շփւելը չափազանց կարեւոր է կազմակերպութեան հարցերն ու խնդիրները նրանց եւս փոխանցելու համար:

Որպէս արտայայտութիւն՝ Զ.Մ.Ա.Կ.-ի Ուրմիայի մասնաճիւղի վարչութեան ներկայացուցիչն ասաց.՝ Մենք սկսել ենք դեռ մեր արմատներն ուժեղացնել, ժողովրդի վստահութիւնը շահել, ժողովրդին գրաւել դէպի «Արարատ»: Ապրիլ 24 եւ Մայիս 28-ն ենք նշել եւ բոլորն էլ մեծ գոհունակութեամբ են ընդառաջել եւ սրահը լեցուն է եղել: Աշխատելու ենք մեր աշխատանքներով միութենական եւ ազգային ջիղն

աւելի արթնացնել ժողովրդի մէջ: Շատ լաւ յարաբերութիւններ ունեն Ուրմիայի Գործ. խորհրդի հետ, կուզեն մասնաճիւղը 2 սեղան ունենայ բիւիարդի՝ որպէս հասութաբեր ծրագիր: Արտայայտեցին իրենց դժարութիւնը՝ ձայնի սարքաւորման վերաբերեալ: Յոյս ունեն՝ Սկաուտականը վերականգնի, ուզում են, որ Ուրմիան որպէս քաղաք՝ մասնակցի Համահայկական խաղերին, քաղաքի անունը շօշափւի:

Հ.Մ.Ա.Կ.-ի Ուրմիայի մասնաճիւղի վարչութիւնը տեղեկացրեց, թէ շատ լաւ համագործակցութիւն գոյութիւն ունի Գեարդաբադի մասնաճիւղի հետ:

Հանդիպման աւարտից յետոյ՝ Հ.Մ.Ա.Կ.-ի Կենտրոնական վարչութեան ներկայացուցիչները հանդիպում ունեցան Ուրմիայի շրջանի համայնքի ազդեցիկ եւ գործօն ներկայութիւն ունեցող անձանցից 30 հոգու հետ, որի արդիւնքները բաւարար գնահատւեցին երկուստեք: Վերջում բոլորն ընթերցին միասին:



ԿԵՆՏՐՈՆԱԿԱՆ ՎԱՐՉՈՒԹԵԱՆ ԱՅՅԸ՝ ԳԵԱՐԴԱԲԱԴԻ ՄԱՍՆԱՃԻՂ

3 ունիսի 4-ի կէսօրւայ ժամերին Հ.Մ.Ա.Կ.-ի Կենտրոնական վարչութեան պատւիրակութիւնը Ուրմիայի մասնաճիւղի վարչութեան հետ հանդիպումից յետոյ՝ շարժւեց դէպի Գեարդաբադ գիւղը, որը շատ մօտիկ է քաղաքին: Գեարդաբադի «Արարատ»-ի կենտրոնատեղիում պատւիրակութիւնը դիմաւորեց մասնաճիւղի վարչութեան անդամների միջոցով:

Այցելութիւն տեղի ունեցաւ գրասենեակ, վերջերս նորոգւած բաղանիքները, բասկետբոլի դաշտը, որի ասֆալտի նորոգման հարց գոյութիւն ունի: Այցելեցին նաեւ միութեան կից տարածքը, որը պատկանում է «Արարատ»-ին, դաշտի պատերը շատ վատ վիճակում են եւ պիտի նորոգւեն մեծագումար ծախսով: Ներկայումս այդ տարածքից օգտւում են որպէս կառատուն եւ սկաուտական աշխատանքների վայր:

Շատ ջերմ հիւրասիրութիւնից յետոյ՝ հանդիպում տեղի ունեցաւ պատւիրակութեան եւ մասնաճիւղի վարչութեան հետ: Ընկեր Լալա Ֆարհադեանի փոխանցման համաձայն՝ մարդուժը պակասել է, սակայն դրանով հանդերձ՝ իրենք օժանդակում են Ուրմիայի մասնաճիւղին եւ ուրախ են այդ համագործակցութեան համար: Նա նշեց նաեւ, որ պիտի միմեանց օժանդակել աշխատանքներում ու աւելացրեց նաեւ, որ իրենք աշխատում են համայնքի համար եւ կարելորեց պատանի ու կրտսերների դերակատարութիւնը՝ միութեան աշխուժացման համար:

Յիշեալն աւելացրեց նաեւ, որ Գեարդաբադի մասնաճիւղն օժտւած է բաւականին ընդարձակ տարածքով եւ որի հնարաւորութիւններից կօգտւի նաեւ «Արարատ»-ի Ուրմիայի մասնաճիւղը:

ԲԱՐԵԿԱՐԳՄԱՆ ՇԻՆՈՒԹԻՒՆՆԵՐ՝ «ԱՅԳԵՍՏԱՆ»-Ի ՏԱՐԱԾՔՈՒՄ

2011

Խաղող 101

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՍՏՆԱԿԱՆ ԳԱԾԱԴԱՐԱՆ



Ա

րդեն մի քանի տարի է, որ «Արարատ» մարզաւանի հարաւ արեւելեան բաժնում, Ս. Խաչ մատռան արեւելեան բաժնում ընկած հողատարածքում կառուցւել է «Այգեստան» կոչւող կանաչապատ ու յարմարաւետ տարածք՝ տարբեր տեսակի հանդիսութիւնների ու ձեռնարկների համար:

Վերջին տարիներում տարածքում աւելացել են կառույցներ, որոնցից է ինքնաշարժներին դէպի նոյն տարածքի կառատունն առաջնորդող զառիվար ճանապարհը, իսկ վերջերս նկատելով սպասարկողների համար առաջացած դժարութիւնը՝ «Այգեստան»-ի խոհանոցից դէպի սեղանները մատուցարաններ փոխադրելու կապակցութեամբ, մարզաւանի Վարիչ մարմնի որոշմամբ՝ նոյն տարածքի ճաշարանի

խոհանոցից
կառուցւել է դէպի սե-

ղանները տանող առանձին զառիվար ճանապարհ, որով նրանք ստիպւած չեն անպայման աստիճաններից օգտւել՝ մատակարարելու համար:

Նախագծի պատասխանատու ընկ. Դէյլիդ Խաչատրեանը նշեց, թէ այս նախագծի աշխատանքներն սկսւել են մայիսի 28-ին եւ աւարտւել յունիսի 5-ին:

Նա աւելացրեց, թէ «Այգեստան»-ի ներսի տարածքը դրսի դիտողներից մեկուսացնելու համար՝ նաեւ ժամանակին նշանակւած վայրերում ծառեր են տնկւել:

«Արարատ» մարզաւանի «Այգեստան»-ը շուրջ 900 ք. մետր տարածութեամբ կառուցւել է 2008 թուականին՝ Շերլի Աւետեանի ճարտարապետութեամբ, եւ օգտագործման է յանձնւել նոյն թուականի յունիսին:

ԱՄԲՈՂՋՈՎԻՆ ՎԵՐԱՆՈՐՈԳԻՇԼ Ե ՆՈՐԱՅԱՐԻ ԿԵՆՏՐՈՆԱՏԵՂԻ ՓՈՐՁԵՐԻ ՍՐԱՅԸ

Յ.Մ.Ա.Կ.-ի հիմնական կենտրոնատեղի Նոբահարի շենքի բաժիններից մեկ մասը բարենորոգումների և ենթարկել՝ երգչախմբի եւ թատերախմբի փորձավայրերը աւելի բարւոյք վիճակի վերածելու համար:

Ինչպես տեղեակ էք, Նոբահարի կենտրոնատեղիի շենքը բաղկացած է երկու մասից: Նախ կենտրոնական շենքն ու գրասենեակները, որոնք նաեւ պատմական արժէք են ներկայացնում, իսկ միւսը, որ համեմատաբար աւելի նոր է համարւում, Կոմիտասի անւան սրահը, Նախասրահը եւ յարակից յարմարութիւններն են, որոնցից է նաեւ նոյն բաժնի երկրորդ յարկում գտնուող թատերախմբերի ու երգչախմբի փորձերի սենեակը, որը մինչեւ երկու տասնամեակ առաջ ծառայում էր որպէս հաւաքատեղի եւ բիւֆէ:

Նկատելով սենեակի խարխուլ վիճակն ու աննպաստ պայմանները՝ կենտրոնատեղիի Վարիչ մարմինը որոշեց

փրկել շուրջ 80 ք. մետր տարածութիւն ունեցող սենեակը:

Վարիչ մարմնի անդամ եւ շինարարութեան պատասխանատու ճրտպ. Արա Ղահրամանեանը բացատրեց, թէ նշւած սենեակի առաստաղը փայտեայ եւ գաջապատ էր ու արդէն թափւելու վրայ էր, թիթեղապատ տանիքը մեծ վնասներ էր կրել ու անկարող էր անձրեւների թափանցման առաջն առնել: Նոյն սենեակի լուսաւորութիւնը անբաւարար էր ու հիւսիսային լուսամուտները ծածկւած էին փայտերով, որը անցանկալի տեսք էր տալիս սենեակին: Յատակը հնամաշ ծածկ ունէր, որը պոկւել ու դրան փոխարինելու է նոր ու արդիական մնայուն փռւածք:

Լուսամուտն ընդհանրապէս ծածկւել է, առաստաղը նորոգւել է, նաեւ առաստաղը ծածկւել է յատուկ ձայնի մեկուսիչ սարքերով եւ լուսաւորութիւնն ապահովւել է նոր ու ժամանակակից ճրագներով, նորոգւել են ներսի պատերն ու սարքաւորումները, եւ սրահն արդէն պատրաստ է օգտագործելու համար:

ԱՐԴԷՆ ՀՐԱՊԱՐԱԿ ԵՆ ԻԶՆՈՒՄ «ԱՐԱՐԱՏ»-Ի



ԱՂԶԿ. ԲԱՍԿԵՏԲՈՒԼԻ ԱՊԱԳԱՅ ՍԵՐՈՒՆԴՆԵՐԸ՝ ՆՈՅՆՊԷՍ ՅԱՂԹԱԿԱՆ ԴԻՐՔԵՐՈՎ



Յ. Մ.Ա.Կ.-ի աղջկանց բասկետբոլի երեցների խումբը արդեն մասնակցել է Թեհրանի լիգայի մրցութիւններին, որոնք սկսել են հինգշաբթի, Մայիսի 2-ից՝ Թեհրանի «Շահիդ Յեյդար-նիա» մարզահամալիրում:

Մինչ այս «Արարատ»-ը ունեցել է երեք մրցութիւնների ծրագիր, սակայն առաջին խաղից հրաժարել է «Դամաւանդ» խումբը՝ իր պարտութիւնը անխուսափելի համարելով:

Յաջորդ խաղերին ստացել են հետևեալ արդիւնքները՝

«Արարատ»՝ 69 - «Էսթեղլալ»՝ 48

«Արարատ»՝ 63 - «Նորուզիան»՝ 52

«Արարատ»՝ 64 - «Խարաման»՝ 36

«Արարատ»՝ 64 - «Վահդաթ

Արիա»՝ 35

«Արարատ»-ի աղջիկները, Երկուշաբթի, յունիս 14-ի երեկոյեան ժամը 5.00-ին, մայրաքաղաքի «Յեյդար-նիա» մարզահամալիրում կանգնեցին «Մահրամ» խմբի դիմաց եւ ինչպէս միշտ՝ յաղթական դուրս եկան դաշտից՝ 79 - 66 պատուաբեր արդիւնքով:

«Արարատ»-ի աղջիկները այս խաղից յետոյ անցնելու են եզրափակիչ հանգրւանի մրցաշարերի հանգրւան:

Այս հանգրւանում, յուլիսի 4-ին, «Արարատ»ի աղջիկները դժարին խաղ ունենալով «Նիքան թարաբար»ի դիմաց, 96 -69 արդիւնքով պարտութեան մատնեցին արդեն հզօրացած խմբին:

Խմբի ընդհանուր պատասխանատուի ասութեամբ՝ այս շրջանի խաղերին մասնակցում են ոչ թէ խմբի խսկական խաղացողները, այլ՝ երիտասարդ բասկետբոլիստները, որոնք որպէս բասկետբոլի ապագայ սերունդներ՝ պիտի փորձեն մարզական դաշտերում:



Հ.Մ.Ա.Կ.-Ի ԱՄԱՌԱՅԻՆ ԱՇԽԱՏԱՆՔՆԵՐԸ՝ ՓՈՔՐԻԿՆԵՐԻ ԲԱԶՄԱԿՈՂՄԱՆԻ ԿԱՐՈՂՈՒԹԻՒՆՆԵՐԸ ՉԱՐԳԱՅՆԵԼՈՒ ՀԱՄԱՐ

Ամեն տարւայ նման, այս տարի եւս Հ.Մ.Ա.Կ.-ի Մարզական միութեան նախաձեռնութեամբ կազմակերպւել են ամառային աշխատանքներ - դասընթացներ՝ 4-13 տարեկան երեխաների համար:

Վեց շաբաթ տեւող այս դասընթացներում, կազմակերպւում են մասնակցողների տարիքների համապատասխան տարբեր տեսակի խաղեր, աշխատանքներ, զբաղումներ, ինչպէս նաեւ տարբեր մարզաձեւերի ծանօթացում - ուսուցում, որոնք տարւում են հմուտ եւ առաջնակարգ վարժուիիների եւ մարզիչների միջոցով:

Դասարանների ընդհանուր պատասխանատուն է տկն. Զաթրին Զարիմեանը, իսկ Մարզական վարչութեան կողմից դասընթացների կապ է նշանակւել ընկ. Արմեն Սաբահգուլեանը:

Դասարանները սկսւել են յունիսի 21-ից՝ 6 շաբաթ տեւողութեամբ:

Դասարանները 2 տարիքային եղանակով են առանձնանում՝ 4-8 եւ 8-13 տարեկաններ:

4-8 տարեկան երեխաները բաժանւում են 4 խմբերի, նրանց դասարանները կայանւում են շաբաթական 5 օր առաւօտեան ժամը 9:30-ից մինչեւ 12:30-ը:

Երեխաները զբաղւում են տարբեր մարզաձեւերով եւ խաղերով, մարզաձեւերը ըստ տարիքի հետեւեալներն են՝ ժիմնաստիկ, տեքւանդօ, ժայռամագլցում, փինգ-փոնգ, բռնցքամարտ, իսկ զբաղմունք եւ խաղերն են՝ պար, օրֆ, խեցեգործութիւն, նկարչութիւն, ձեռքի աշխատանքներ, խաղեր եւ մտային կարողութիւնների վարժութեան աշխատանքներ: Իւրաքանչիւր խումբ ունի իր առանձին դաստիարակը:

8-13 տարեկան երեխաները ունեն հետեւեալ մարզաձեւերի ընտրութիւնը՝ ֆուտբոլ, թենիս, բասկետբոլ, սկէյթ, բռնցքամարտ:

Երկու տարիքային բաժանումով երեխաներն էլ, որպէս զբաղմունք օգտւում են լողարանից: Նրանց դասարանները կայանւում են շաբաթական 3 օր՝ առաւօտեան ժամը 9:30-ից 12:30-ը:

4-8 տարեկան երեխաներին մատուցւում է նաեւ նախաճաշ:

Բոլոր երեխաները առաւօտեան աշխատանքներն սկսելուց առաջ՝ միասնաբար աղօթք են կատարւում, թարմացման մարզումներ են կատարւում միմեանց հետ, եւ ապա իւրաքանչիւր խումբ անցնւում է իր աշխատանքներին:

Դասընթացների նպատակն է զարկ տալ երեխաների մտային եւ ֆիզիկական կարողութիւններին:











«ԱՐԱՐԱՏ»-Ի ՎԱՍՏԱԿԱԴՈՐ ԲԱՍԿԵՏԲՈՒՄՏՆԵՐԸ ՀԱՍԱՆ ԵԶՐԱՓԱԿԻՉ

Սակայն պարտուեցին «Սանայե դեֆա»-ի հզոր խմբից եւ կանգնեցին երկրորդ դիրքում

Իրանի տղայոց բասկետբոլի վաստակաւորների խումբը, որի ընթացիկ տարւայ մրցութիւնները, սկսել էին յունիսի 2-ից, եւ նւիրւել՝ Բիժան Ղահրամանլուին, երեքշաբթի յուլիսի 5-ին եզրափակիչ հանգրւանում կանգնեց «Սանայե դեֆա»-ի հզոր խմբի դիմաց եւ 73-30 արդիւնքով գրաւեց երկրորդ տեղը:

«Արարատ»ի վաստակաւոր բասկետբոլիստները, որ առաջին անգամն է, որ եզրափակիչ հանգրւան են հասել, մինչ այս ունեցել են հետեւեալ խա-

ղերը՝ յաղթական արդիւնքներով.-

Յունիսի 2 -	«Նադի փաք»՝ 48
	«Արարատ»՝ 52
Յունիսի 15 -	«Եսթեղլալ»՝ 38
	«Արարատ»՝ 41
Յունիսի 21 -	«Արարատ»՝ 60
	«Աշուր»՝ 50
Յունիսի 25 -	«Արարատ»՝ 64
	«Շահրէ Ռէյ»՝ 58
Յունիսի 2 -	«Արարատ»՝ 60
	«Քեշթիռանի»՝ 59

ԱԻԱՐՏԻՖԻՆ Հ.Մ.Ա.Կ.-ի ԼՈՂԻ ԴԱՍԸՆԹԱՅՆԵՐԸ



Հ.Մ.Ա.Կ.-ի «Արարատ» մարզալանի Վարիչ մարմնի նախաձեռնությամբ, այս տարի եւս տեղի ունեցան լողի վարժութեան դասարանները:

Լողի դասընթացները կայացել են 2 հանգրւանում: Առաջինը՝ սկսւել է յունիսի 13-ից, որը տեւել է մինչեւ յուլիսի 21-ը, իսկ երկրորդը՝ յուլիսի 25-ից մինչեւ սեպտեմբերի 8-ը: Դասընթացներում դասաւանդւել են՝ کراال سینہ، کراال پشت، قورباغه نفس گیری լողի ձեւեր:

Նշելի է, որ մասնակցողների ցուցաբերած ընդունակութեան պարագայում՝ լողի այս ձեւերի վարժութիւններից յետոյ՝ նրանց տրւում է թիթեռ پروانه կոչւող լողի դասաւանդում:

Առաջին հանգրւանում մասնակցել են 72 աղջիկներ եւ 52 տղաներ: Իսկ երկրորդ հանգրւանում՝ 26 աղջիկներ եւ 16 տղաներ:



ԻՐԱՆԱՀԱՅ ԵՐԵՔ ԹԻՄԵՐԸ՝ ՀԱՅԱՍՏԱՆԻ ՀԱՄԱՀԱՅԿԱԿԱՆ 5-ՐԴ ՇՐՋԱՆԻ ՄՐՅՈՒԹԻՒՆՆԵՐՈՒՄ

ԵՐԵՒԱՆ, ՕԳՈՍՏՈՍԻ 13-20

**Առաջին հերթին՝ ազգային միասնականությունն է յաղթական
Հարցազրույց՝ Թեհրանի թեմի կենտրոնական յանձնախմբի
Նախագահ Ժոզեֆ Նազարեանի հետ**

(Հարցազրույց կատարել է Հոկտեմբեր 2011-ին)

Թ Լականիս օգոստոսի 13 - 20-ը Հայաստանում կայացավ Համահայկական մրցութիւնների 5-րդ շրջանը: Այս նպատակով, Թեհրանի հայոց Թեմական խորհրդի միջոցով ժամանակին կեանքի կոչեց գործադիր կենտրոնական յանձնախումբ, որտեղ կատարուում են Թեհրանի հայոց թեմի միութիւնների մրցութիւններին մասնակցելու կազմակերպչական աշխատանքները:

Նախ նշենք, որ այս կարեւոր աշխատանքը կազմակերպելու համար, ամիսներ առաջ Թեհրանի հայոց Թեմական խորհրդի կողմից միութիւնների ներկայացուցիչները հրաւիրեցին խորհրդակցութեան հանդիպման: Պատկան կանոնադրութեան համաձայն՝ միութիւնները իրենց անդամների թիւ համեմատութեամբ՝ իւրաքանչիւր 20-ի դիմաց մէկ ներկայացուցիչ են ունենում այդ ժողովում: «Արարատ» կազմակերպութիւնը թէեւ իր թիւ համեմատութեամբ 4 ներկայացուցիչ պիտի ունենար, սակայն նկատի ունենալով կանոնադրութեան սահմանում, մասնակցեց 3 ներկայացուցիչներով: «Սիփան» միութիւնից երկու, «Րաֆֆի» համալիրից ու «Նայիրի» միութիւնից

մեկական ներկայացուցիչներ ներկայութիւն ունեն Գործադիր կենտրոնական յանձնախմբի մէջ: Կազմութեան առաջին հանդիպման ընթացքում կատարեց դիւանի ընտրութիւն՝ ըստ հետեւեալի.

Ժոզեֆ Նազարեան՝ Նախագահ
Սաքօ Ազիզեան՝ փոխնախագահ
Էդիկ Վարդանեան՝ Նիւթականի պատասխանատու

Օդէթ Աղաջանեան՝ քարտուղար
Այս առիթով, եւ տեղեկանալու համար այն բանից, թէ ներկայումս ինչ գործընթացում են գտնուում Համահայկական մրցութիւններին իրանահայ մարզիկների մասնակցելու Նախապատրաստական աշխատանքները, հարցազրույց ենք ունեցել յանձնախմբի Նախագահ ընկ. Ժոզեֆ Նազարեանի հետ, որը ամբողջութեամբ տալիս ենք ստորեւ.

Ժոզեֆ Նազարեան. - «Համահայկականի 5-րդ շրջանին Թեհրանի միութիւններից պիտի մասնակցեն շուրջ 160 մարզիկներ եւ մրցելու են՝ բասկետբոլ (տղ. եւ աղջկանց), ֆուտբոլ, ֆուտսալ, աղջկանց վալիբոլ, լող (աղջ. եւ տղայոց), շախմատ (աղջ. եւ տղայոց), պինգ պոնգ (աղջ. եւ տղայոց) եւ թենիս (աղջ.

ել տղայոց): Անցեալ շրջանի համեմատութեամբ՝ զեղչել ենք միայն բաղմիխթոնի խումբը՝ մասնակցող չունենալու պատճառով:

«Դժբախտաբար, այս շրջանի մրցութիւններին մասնակցելու համար ազգային իշխանութիւնը կանգնած է նի-



թական ծանր դժարութիւնների առջեւ, եւ միւս կողմից էլ երկրի Մարմնակրթական կազմակերպութեան մէջ փոփոխութիւնների անորոշութիւնն էլ մեզ կանգնեցրել է անել վիճակի առջեւ ու քիչ յոյսեր ունենք այս կազմակերպութիւնից եւս նպաստ ստանալու համար: Ուստի՝ Թեմական խորհուրդը առաջարկեց մտածել նաեւ փոքրաթիւ խումբ առաքելու մասին (30- 40 հոգուց բաղկացած): Ըստ այն՝ գործադիր յանձնախումբը թէեւ իր աշխատանքը կենտրոնացրել է հէնց 160-հոգանոց խումբ եւս ուղարկելու վրայ, սակայն խորհում ենք նաեւ փոքրաթիւ խմբի մասին:

«Այս բոլորով հանդերձ՝ Թեմական խորհուրդը աջակցում է մեզ դժարութիւն չունենալու համար՝ շուրջ 10.000.000 թուման բիւջէ ենք ստացել Թեհրանի հայոց Թեմական խորհրդից՝ Հայաստանում հիւրանոց ապահովելու համար: Ներկայումս Երեւանում 154 հոգու համար տեղ ենք ապահովել երկու տարբեր հիւրանոցներում: Միւս պարագան, որի գծով նորից ռիսկի դիմեցինք՝ մասնակցող մարզիկների 160 ձեռք միատարր ու միաձեւ մարզական հագուստներն են, որոնց պատրաստման համար՝ հարկաւոր է 30 - 40 օր ժամա-

նակ: Այս հարցում եւս ազգային իշխանութիւնը բաժանելով մեր մտահոգութիւնները՝ իր նիւթական աջակցութիւնը ցուցաբերեց»:

ընկ. Ժողէֆ Նազարեանը անդրադառնալով անցեալ շրջաններում թեհրանահայութեան մարզական պատկերասրահների յաջողութիւններին՝ նշեց, թէ առաւելաբար յաջողութիւններ ենք ձեռք բերել թեթեւ ատլետի, եւ լողի մարզաձեւերում: Տղայոց բասկետբոլը մէկ անգամ մինչեւ եզրափակիչ մրցութիւններն է բարձրացել, իսկ աղջկանց բասկետբոլն էլ երրորդ եւ չորրորդ տեղերն է գրաւել:

Նա ընդգծում է, որ թէեւ որպէս օրինակ՝ աղջկանց բասկետբոլը ամբողջութեամբ Հ.Մ.Ա.Կ.-ի խումբն է, բայց մենք դա անւանում ենք Թեհրանի խումբ:

Հայաստանի Համահայկական 5-րդ շրջանի խաղերին մասնակցող խմբի Թեհրանի Կազմակերպիչ յանձնախմբի նախագահը յոյս է յայտնում, որ մեր վազքի եւ լողի մարզիկները դարձեալ յաջողութիւններ ունենալու եւ մեդալներ նւիրեն թեհրանահայութեանը:

Ժողէֆ Նազարեանը միաժամանակ անւերացնում է, որ «Թէ՛ մեր համայնքում, եւ թէ՛ Սփիւռքում յատուկ տեղ է գրաւում բասկետբոլը՝ ընտանեկան մարզանք համարւելով, ունի անւի շատ մասնակցողներ, հետեւողներ ու դիտողներ, եւ յոյսով եմ՝ մեր մտահոգութիւնները վերանան ու այս մարզաձեւում էլ յաջողութիւններ ձեռք բերենք այս շրջանում:

ընկ. Ժողէֆ Նազարեանը կրկին անդրադառնալով թեհրանահայ խմբի թիւն՝ ասաց. «Մենք ստիպւած ենք պատրաստուել 160 մարզիկներով մասնակցելու համար, ի բացառեալ այն աշխատանքների, որոնք կարելի է կազմակերպել վերջին օրերի ընթացքում: Մենք կազմակերպում ենք հէնց հիմա, եւ հաշւի առնելով 160 ենթադրեալ մասնակցողների թիւը: Որպէս օրինակ՝ ապահովագրութեան հարցում կապւել

ենք տարբեր ընկերությունների հետ, եւ հաշվի առնելով գների հարցը՝ արդեն նախապայմանագրերը պատրաստ են 160 հոգու համար: Իսկ եթե մեր ցանկության հակառակ՝ չկարողանանք բոլոր ուժերով ներկայանալ Համահայկական, այդ թիւը կիջեցւի հիմնական պայմանագրի ժամանակ»:

Երթելուության մասին նա անելացնում է, թէ բանակցություններ են անցել Ուղեւորափոխադրության ընկերությունների հետ, ստացել ենք գները, եւ մեկնելու նախօրէին արդեն կը ճշտուի, թէ քանի հանրակառքերով ենք մեկնելու Հայաստան: «Այս բոլորի մասին կատարել են համապատասխան ուսումնասիրություններ ու պարագաները զեկուցել են Թեմական խորհրդին, եւ վերջնական եզրակացության կը յանգենք այն ժամանակ, երբ պարզի, թէ ինչքան գումար ունենք մեր սնդուկում եւ արդեօք կար՞ող ենք ամբողջ խմբով գնանք թէ զեղչենք մարզիկներին կամ մարզաձեւերը»:

Այն հարցին, թէ ամբողջ խումբը՝ իրենց մարզաձեւերով Հայաստան մեկնելու դէպքում ինչքան ծախսի է նայում այս մրցաշարը, ընկ. Նազարեանն ասաց. «165.000.000 թուման է նախատեսել, սակայն իւրաքանչիւր մարզիկ վճարելու է միայն 100.000 թուման, որը իւրաքանչիւրի համար ծախսող գումարի 10 տոկոսից անելի քիչ է լինելու»:

Պատասխանելով այն հարցումին, թէ վերջին պահերին եթէ Գործադիր յանձնախումբը ստիպւած լինի խմբի թիւը պակսեցնելու, ի՞նչ մարզաձեւեր կամ մարզիկներ են զեղչելու, ասաց. «Ինձ թւում է այդպիսի անցանկալի վիճակի մատնելու դէպքում՝ Գործադիր յանձնախումբը նկատի առնելով համայնքի մարզական ուժերն ու կարողությունները, բնականաբար մեկնելու առաջնահերթութիւնը կը տայ այն մարզաձեւերին, որոնք անցեալ շրջաններում յաջողություններ են ունեցել ու մեղաւներ են ապահովել համայնքի համար: Ես չեմ կարծում՝ որեւէ մէկը

դեմ լինի թեթեւ ատլետի կամ լողի մարզիկների մեկնմանը հետ, որոնք անցեալ շրջաններում յաջողություններ են արձանագրել:

«Իսկ այն խմբերն ու մարզիկները, որոնք փայլուն ձեռքբերում չեն ունեցել անցեալում, կանցնեն երկրորդ կարգի ցանկի մէջ, որպէս օրինակ՝ շախմատը կամ թենիսը: Միւս կողմից կան խմբեր, որոնք ժողովրդականութիւն են վայելում ու ցանկալի է նրանց ներկայութիւնը Համահայկական խաղերին: Այս խմբի մեկնման ու ծախսեր հոգալու մասին էլ Թեմական խորհուրդը վերջին օրերին պատշաճ տնօրինում պիտի կատարի, քանի որ բոլորի մասնակցելու նախապատրաստական աշխատանքները, ինչպէս ասեց, նախապէս կատարել է ու մնում է միայն նիւթական աղբիւրի հայթայթելը:»

Թեհրանի հայոց Թեմի Հ. Հ. Համահայկական խաղերին մասնակցող Գործադիր յանձնախմբի նախագահը, վերջում իր եւ յանձնախմբի սրտնեղութիւնն է յայտնում ուրիշ շրջաններից, որոնք անհոգութեամբ շռայլում են մասնակցողների թւի մէջ: Նա յստակեցրեց թէ աշխատանքի սկզբից իւրաքանչիւր մարզաձեւի համար կեանքի կոչւած ենթայանձնախմբերին էլ տեղեկացրել ենք, որ մենք աշխատում ենք 160 մարզիկներով ներկայանալ Համահայկական մրցութիւններին, սակայն նկատի ունենալով ազգային իշխանութեան մտահոգութիւնները ու թելադրանքները՝ ոչ մի երաշխիք չկայ, որ խումբը Հայաստան կը մեկնի հէնց նոյն թւով: Դրանով հանդերձ մասնակցող խմբերը պատրաստ են, ցանկերը կազմել են իւրաքանչիւրի նիւթական պարտաւորութիւնն էլ կատարել է, ու միայն մնում է թեմի նիւթական կարողությունները:

«Յանձնախումբը ամիսներ շարունակ զբաղւել է հաշւարկումներով, ցանկագրութիւններով, նամակագրութեամբ ու պետական շրջանակներին դիմումներ կատարելով՝ համապատասխան արտօնութիւններ ստանա-

լու համար, սակայն Սպահանի եւ Ատրպատականի հայոց թեմերի մէջ նախ շատ ուշացումով են կեանքի կոչել յանձնախմբերը եւ ապա թեր են ներկայացրել, որոնք չեն համապատասխանում օրւայ հնարաւորութիւններին: Թեհրանը անցեալ շրջանում մասնակցել է 190 մարզիկներով, սակայն նկատելով սահմանափակումները՝ թիւը իջեցրել է 160-ի, մինչդեռ միւս շրջանները դեռ իրենց թերը աւելացրել են՝ նկատի ունենալով, որ Թեհրանը կենտրոնում գտնւելով՝ ինքն (Թեհրանի յանձնախումբը) է կատարում նաեւ միւս շրջանների վարչական աշխատանքներն ու դիմումները: Բաւականին ուշացումով ստացւած ցանկերից որոնք ուղարկւել են պետական պատկան շրջանակներ, պարզւեց, որ դա 380 հոգանոց ցանկ է՝ ներառած Սպահանի եւ Ատրպատականի թեմերի մարզիկները, մինչդեռ Թեհրանը նկատի ունենալով սահմանափակումները՝ մասնակցում է ընդամենը 160 մարզիկով (եթէ հաստատուի՝ նիւթական աղբիւրներ գտնելու դէպքում), իսկ միւս երկու թեմերից մասնակցում են 220 մարզիկներով: Նոյնիսկ եթէ թեմերի մարդագլխի հաշւարկումով էլ մօտենանք, Թեհրանը իր թւի համապատասխան՝ պիտի ունենայ ընդհանուր թւի կեսից աւել մարզիկներ:

Նա հարցազրոյցի վերջում իր եւ Կենտրոնական յանձնախմբի անունից շնորհակալութիւն յայտնեց Թեհրանի Զայոց Թեմական խորհրդին՝ նրա անվերապահ աջակցութեան համար, եւ յոյս յայտնեց, որ միւս շրջանների յանձնախմբերը եւս նկատելով դժւարութիւններն ու սահմանափակումները աւելի սերտ համագործակցութիւն ցուցաբերեն Թեհրանի թեմի Կենտրոնական յանձնախմբի հետ:

Համոզւած ենք, որ բոլոր մրցութիւններում էլ առաջին հերթին միասնականութիւնն է յաղթողը, եւ առհասարակ Զայաստանի Համահայկական խաղերը կազմակերպւում են համաշխար-

հային ազգային միասնականութիւնն ու հաւաքական ուժը ամրապնդելու եւ յարաճուն դարձնելու համար: Ուստի եւ՝ իրանահայ երեք թիմերի մարզիկներին էլ մաղթում ենք մարզական մեծ յաղթանակներ եւ ազգային միասնականութեան օղակների ամրապնդում:

ԱԻԱՐՏԻՆ ՀԱՍԱՆ Հ. Մ. Ա. Կ. Ի 30-րդ ԱՐԱՐԱՏԵԱՆ ԳԱԻԱԹԻ ՖՈՒՏՍԱԼԻ ՄՐՅՈՒԹԻՒՆՆԵՐԸ ԵՒ ԱՌԱՋԻՆ ՏԵՂԸ ԳՐԱԻԵՅ ՀԱՅ ՀԱՄԱԼՍԱՐԱՆԱԿԱՆՆԵՐԻ ԸՆԴՀԱՆՈՒՐ ՄԻՈՒԹԻՒՆԸ

Ուրբաթ, յունիսի 17-ի երեկոյեան «Արարատ» մարզականի «Սատուկի Դաւիթ» սրահում աւարտւեցին Արարատեան գաւաթի 30-րդ շրջանի ֆուտսալի մրցութիւնները:

Սոյն մրցութիւններին մասնակցում էին 23 խմբեր՝ ըստ հետեւեալի.

Առաջին ենթախումբ՝ «Ժան Ղազարեան», «Րաֆֆի 2», «Սկաուտական», «Նայիրի», «Գառնի» եւ «Սարդարապատ 1»

Երկրորդ ենթախումբ՝ «Արարատ երեց», «Անի», «Արմէնեան», «Սիփան» եւ «Գոհար»

Երրորդ ենթախումբ՝ «Րաֆֆի 1», «Ալեքս», «Շանթեր», «Ապարան», «Սեւան» եւ «Արարատ 1»

Չորրորդ ենթախումբ՝ «Արմէն», «Արարատ 2», «Բարեգործական», «Մարալ», Յայ համալսարանականների ընդհ. միութիւն եւ «Սարդարապատ 2»

Խաղերը սկսւեցին փետրւարի 26-ից եւ տեղի ունեցան փուլային կարգով՝ չորսամսեայ տեւողութեամբ: Մրցութիւնները, ըստ կարգի, կայանում էին հինգշաբթի եւ ուրբաթ օրերը:

Մարզական միութեան կողմից Արարատեան գաւաթի խաղերի ընդհանուր պատասխանատու էր նշանակւել Արա Ռոստոմեանը, իսկ խաղերի պատասխանատու Ռաֆիկ Աղաջանեանը:

Նախքան եզրափակիչ խաղերը՝ մարզասերների ներկայութեամբ տեղի ունեցաւ երկու ընկերական խաղեր՝ Հ.Մ.Ա.Կ.-ի երիտասարդական խմբերի միջեւ:

Այնուհետեւ տեղի ունեցաւ երրորդ-չորրորդ տեղերի համար մրցութիւն՝ «Արմէն» եւ «Ալեքս» խմբերի միջեւ եւ յաղթեց «Արմէն» խումբը:

Եզրափակիչ մրցութիւնը՝ Հ.Հ.Ը.Մ. եւ Հ. Մ. Մ. «Րաֆֆի» համալիրի խմբերի միջեւ, աւարտւեց 5-4 արդիւնքով եւ յաղթեց Յայ համալսարանականների ընդհ. միութեան ֆուտբոլի խումբը:

Մրցութիւնների արդիւնքների ընդհանուր պատկերն ըստ հետեւեալի է.

Առաջին՝ Յայ համալսարանականների ընդհանուր միութիւն

Երկրորդ՝ Հ. Մ. Մ. «Րաֆֆի» համալիր (1)

Երրորդ՝ Արմեն

Իսկ ամենաուշագրաւը «Արարատ»-ի վետերան ֆուտբոլիստների ներկայութիւնն էր եզրափակիչ խաղի ամբողջ ընթացքում:

Փակման ծրագրին իրենց ներկայութիւնն էին բերել՝ Թ. Զ. Թեմական խորհրդի անդամ Ռուբեն Շահվերդեանը, Զ.Մ.Ա.Կ.-ի Կենտրոնական վարչութեան անդամներ՝ Սերոժ Մատթեոսեանը եւ Արբի Սարգսեանը, Սկաուտական միութեան սկաուտապետ Արբի Գալստեանը, Մարզական միութեան վարչութեան նախագահ Ստեփան (Սեպուհ) Անդրեասեանն ու Մարզական միութեան վարչութեան անդամներ՝ Արթուր Զրադացպանեանը եւ Ալինա Թադեոսեանը, վետերան ֆուտբոլիստներ՝ Զամբարձում Դարաբիդեանը, Յովիկ Զաթամզադէն, Մայիս Մինասեանը, Մասիս Յակոբեանը, Նորիկ Ղարիբեանը եւ Ժիրայր Բաբախանլուն ու նաեւ Զայ համալսարանականների ընդհանուր միութեան եւ Զ. Մ. Մ. «Րաֆֆի» համալիրի վարչութեան անդամներ: Վերջում առաջնութիւն շահած խումբերին շնորհւեցին իրենց նւերները եւ վկայագրերը:





ՊԱՐԶԻԵՅԻՆ ՀԱՅԱՍՏԱՆԻ ՀԱՄԱՀԱՅԿԱԿԱՆ ԽԱՂԵՐԻՆ ՄԱՍՆԱԿՉՈՂ ԹԵՆԻՍԻՍՏՆԵՐԻ ԱՆՈՒՆՆԵՐԸ



Ր.Մ.Ա.Կ.-ի թենիսի սեզոնային մրցութիւնները տեղի ունեցան թաւականիս մայիսի 30-ից եւ տեւեցին մինչեւ յունիսի 9-ը:

Մրցութիւններին իրենց մասնակցութիւնն էին բերել թուով 33 մարզիկ-մարզուիիներ, որոնք բաժանւել էին տարիքային հիւնգ խմբերում: Մրցութիւններն աւարտուելով՝ ստացւեցին հետեւեալ արդիւնքները.

45 տարեկանից վեր մրցութիւնները տեղի ունեցան յունիսի 8-ին, առաջին հանդիսացաւ Արշամ Աւետեանը, իսկ երկրորդ՝ Մինաս Աղանեանը:

Աղջկանց բաժնում, որը տեղի ունեցաւ դարձեալ յունիսի 8-ին, առաջին հանդիսացաւ Զարմէն Կարապետեանը եւ երկրորդ տեղում կանգնեց Ալին Ծատուրեանը:

Single բաժնում յունիսի 9-ին առաջին հանդիսացաւ Գառնի Խեչումեանը, իսկ երկրորդ հանդիսացաւ Ալէն

Դաւթեանը:

Mix double բաժնի խաղերը տեղի ունեցան յունիսի 8-ին, առաջին տեղը գրաւեցին՝ Արբի Չոհրաբեանը եւ Անի Նազարին, երկրորդ տեղում կանգնեցին՝ Ալէն Դաւթեանն ու Ալին Ծատուրեանը:

Double եղանակում եւս խաղերը տեղի ունեցան յունիսի 9-ին, առաջին հանդիսացան՝ Գառնի Խեչումեանը եւ Յարլէն Իսաղուլեանը, իսկ երկրորդ տեղը գրաւեցին՝ Ալէն Դաւթեանը եւ Վրէժ Շախմալեանը:

Առաջնութիւն շահածների նւերները յանձնեցին՝ Արա Ծատուրեանը, Մուշեղ Ներսիսեանը եւ Ալբերտ Սարգըսեանը: Աւելացնենք, որ Հայաստանի Համահայկական խաղերին մասնակցելու համար ընտրուել են՝ Գառնի Խեչումեանը, Ալէն Դաւթեանը եւ Զարմէն Կարապետեանը:



ՈՐՈՂՔ ԵՆ ԹՄՐԱՄՈՒԹԵԱՆ ՆԱԽԱԴՐԵԱԼՆԵՐԸ

Առողջապահական դասախօսություն՝ Հայ մշակութային «Արարատ» կազմակերպության Երեցների միության նախաձեռնությամբ, ուրբաթ, յունիսի 24-ի առաւօտեան, մարզաւանի «Շահբազեան» սրահում տեղի ունեցաւ դասախօսություն՝ հոգեբան օր.Մարիետ Ղազարեանի միջոցով՝ բնաբան ունենալով «Թմրամոլութիւնը եւ կանխարգելման միջոցները»:

Սկզբում միութեան Դասախօսութիւնների բաժանմունքի նախագահ ընկ. Իւետ Պետրոսեանն իր բացման խօսքով ասաց. «Թմրամոլութեանը ծանօթ եւք բոլորս, գիտեմք այն ինչպիսի կործանիչ ազդեցութիւն է ունենում անհատների կեանքում, ի՞նչ ակեր է գործում ընտանիքներում, նոյնիսկ՝ հասարակութիւններում: Դժբախտաբար, թմրամոլութիւնը լայն տարածում է գտել ամենուր եւ այն յատուկ չէ որեւէ խմբի, համայնքի կամ ազգի: Յատկա-

պէս, պատանիներն ու երիտասարդները, իրենց տարիքի ու անփորձութեան պատճառով, շատ ակտիւ ենթակայ են թմրամոլութեան վտանգներին: Այդ վտանգները չէզոքացնելու համար՝ իւրաքանչիւր ծնող պարտականութիւն ունի ամբողջովին տեղեկացւած լինի բոլոր մանրամասութիւններին, որպէսզի ինքն ու իր անմիջական հարազատները հեռու մնան մեր ժամանակների այս զարհուրելի աղետից»:

Ընկ. Իւետն ապա ակնարկելով Թեմական խորհրդի յանձնարարութեանը՝ ակնարկեց. «Ահա այդ ուղղութեամբ է, որ Հ.Մ.Ա.Կ.-ի Կենտրոնական վարչութեան յանձնարարութեամբ՝ Երեցների միութիւնը կազմակերպել է այս դասախօսութիւնը՝ հրաւիրելով կազմակերպութեան անդամներին ու կըրտսեր ընկերների ծնողներին»:

Նա ապա ներկայացրեց հոգեբան օր. Մարիետ Ղազարեանին ու նրան հրաւիրեց՝ նիւթը ներկայացնելու:



Հոգեբան օր. Մարիետ Ղազարեանը շուրջ մեկ ժամ տեղողութեամբ հանրամատչելի ոճով տրւած իր դասախօսութեան ընթացքում, սահիկների օգնութեամբ, մանրակրկիտ կերպով տւեց այն բոլոր նախադրեալները, որոնք երեւալով ընտանիքում, դպրոցում եւ հասարակութեան մէջ՝ պատճառ եւ դառնում, որ անհատը թեքումներ ունենայ դէպի տարբեր տեսակի թմրադեղեր:

Նա շեշտեց, որ ներկայ պայմաններում, որ ամբողջ աշխարհում հնարաւոր չէ կանխել թմրադեղերի պատրաստման ու տարածման աւերիչ գործընթացը, մնում է միայն երիտասարդութեան, պատանիներին ու ընտանիքներին տեղեկատուութիւնների միջոցով լուսաբանութիւններ փոխանցել՝ դրա օգտագործման հաւանականութեան առաջն առնելու համար:

Եղան հարցումներ, որոնց պատասխանեց օր. Մարիետ Ղազարեանը:

Հանդիպման վերջում հարցարաններ

տրւեցին ներկաներին՝ օրւայ թեմայի շուրջ, որոնք ամբողջացնելով՝ վերադարձւեցին դասախօսին՝ ուսումնասիրութեան յանձնելու համար:

Այս չափազանց շահեկան դասախօսութիւնները, ըստ մեզ, պիտի յաճախակիօրէն կրկնւեն, ոչ միայն կազմակերպութեան տարբեր բաժիններում, այլեւ՝ համայնքի հանրային այլ կենտրոններում:

Մարիետ Ղազարեանը ծնւել է Թեհրանում, տարրական եւ միջնակարգ ուսումն ստացել է «Նուրաֆշան» եւ «Մարի Մանուկեան» դպրոցներում: Ընդունւելով համալսարան՝ ուսանել է կլինիկային հոգեբանութեան (روانشناسی) ճիւղը՝ ստանալով գերլիսանս: Մասնագիտական կուրսեր է ստացել Իրանում եւ Եւրոպայում: 1995 թւականից պաշտօնավարում է Բարեկեցութեան կազմակերպութեան (سازمان بهزیستی) մէջ:

ՀԱՐՍՆԱՄԱՏ ԶՐԱՇՈՒՇԱՆԸ ԵՐԱԶԻ ՀԵՏ ԹԱՓԱՆՅԻԿՈՒԹԻՒՆ Ե ԱՌԱՋԱՐԿՈՒՄ ԱՅՅԵԼՈՒՆԵՐԻՆ

2011
համար 101
ԵՐԵՎԱՆԻ
ՄԻՈՒԹԻՒՆ

**Ռիմա եւ Ռուբինա Մինասեանների
նկարչութիւնների ցուցահանդէսը՝
Հ.Մ.Ա.Կ.-ի Նոբահարի
կենտրոնատեղիում՝ յունիսի 7-ից 10-ը**

Հայ մշակութային «Արարատ» կազմակերպութեան Երեցների միութեան նախաձեռնութեամբ, Երեքշաբթի, յունիսի 7-ից սկսած, «Արարատ»-ի Նոբահարի կենտրոնատեղիի «Կոմիտաս» սրահի նախասրահում կազմակերպւել էր ժամանակակից նկարչութիւնների ցուցահանդէս, որտեղ մինչեւ ուրբաթ, յունիսի 10-ի երեկոյեան ժամը 6-ից մինչեւ 9-ը ցուցադրութեան դրւեցին վաստակաւոր նկարչուհի Ռիմա Մինասեանի աքրիլիք տեխնիկայի իւղանկարչութիւնների եւ իր դստեր՝ Ռուբինա Մինասեանի ջրաներկ պաստառները:

Ռիմա Մինասեանը (Թորոսեան) ծնւել է 1949 թւականին եւ պատանի տարիքից սկսել է զբաղւել գեղանկարչութեամբ: Տարիներ նկարչութիւն է դասաւանդել տարբեր դպրոցներում եւ իր գործունեութեան համար արժանացել է պետական մակարդակի գնահատագրերի:

Նա 25 տարիներ շարունակ զբաղւել է նկարչութեամբ եւ այդ ժամանակաշրջանում յաջողել է իրականացնել անգուգական ստեղծագործութիւններ՝ ժամանակակից նկարչութեան բնագաւառում:

Ռիմա Մինասեանը նկարչութեան արւեստը կատարելագործել է հմուտ վարպետների հսկողութեան ներքոյ, որոնցից են՝ Հանսիբալ Ալիսաքը, Այդին Ադաշլուն, Զաւարդ Զաւարդիփուրը եւ այլն:

Ռիմա Մինասեանը հաւաքական եւ անհատական ցուցահանդէսներ է կազմակերպել Զրիստոնեայ արւեստագետների նկարչութեան եւ Փորձագետ նկա-

րիչների ցուցահանդէսներում, Զլարա Աբգարի արւեստի տան շրջափակում, նաեւ «Սաադաբադ», «Շաֆադ», «Շէյս» եւ «Մահէ մեիր» նկարչական ցուցահանդէսներում:

Տկն. Ռիման 25 կտոր իր պաստառներից է ցուցադրութեան դրել, իսկ ամենահետաքրքիրն այն է, որ նոյն դահլիճում իր հինգ ջրաներկ պաստառներով ներկայութիւն ունի նաեւ իր երիտասարդ դուստր Ռուբինա Մինա-



սեանը:

Ռուբինան, որ նկարչութիւնն սկսել է 7 տարեկանից իր մօր արւեստանոցում, 12 տարեկանում արդէն Հանսիբալ Ալիսաքի Եւրոպական դպրոցում իր ընտրած ճիւղի մէջ:

Ռուբինայի սիրած պաստառը՝ «Հարսնամատ ջրաշուշան»-ն է, որին ինքը անւանում է «Թափանցիկութիւն»:

Իսկ տկն. Ռիման ամենաշատը սիրում է իր «Երազ» կոչող իւղաներկ աքրիլիք պաստառը:

Այսպիսով՝ մայր ու դուստր իրենց գերազանցիկ պաստառներով երազի թափանցիկութիւնն են հրամցնում դիտողներին:

Իսկ ամենագեղեցիկը նրանց հայ ու մուսուլման երկրպագուների գնահատական ու ողջոյնի այցելութիւններն էին, որոնցից իւրաքանչիւրը իր զգացումներն էր փոխանցում թարմ ծաղկեկոծովներով:

Հ.Մ.Ա.Կ.-ի ԵՐԷՅՆԵՐԻ ՄԻՈՒԹԵԱՆ ԱՄՍԱԿԱՆ ՀԱՆԴԻՊՈՒՄ ՅՈՒՆԻՍ 2011

Հ.Մ.Ա.Կ.-ի Երեցների միութեան յունիս ամսւայ հանդիպումը տեղի ունեցաւ Երկուշաբթի, յունիսի 6-ին, 2011 թւականի, Երեկոյեան ժամը 7:30-ին, «Արարատ» մարզաւանի «Այգեստան»-ում:

Ունենալով Հայաստանի աշխարհագրութիւն թեման՝ նախատեսւել էր դասախօսութիւն՝ Երիտասարդ գործիչ տկն. Սեւան Տ. Պետրոսեանի միջոցով:

Դասախօսը սահիկկների եւ ցուցադրուող պատկերների միջոցով ներկայացրեց Հայաստանի մարզերը, մարզկենտրոնները, քաղաքներն ու տեսարժան վայրերը:

Օգտաւետ եւ հետաքրքրաշարժ դասախօսութիւնից յետոյ՝ ներկաների կողմից եղան հարցումներ, որոնց պատասխանեց յարգելի դասախօսը:

Ամսական հանդիպման միւս բաժնում նշւեց յունիս ամսին ծնւած ընկերների հաւաքական տարեդարձը:

Վերջում տեղի ունեցաւ մտերմիկ ընդունելութիւն եւ խրախճանք:

Ձեռնարկն աւարտուեց ժամը 23:00-ին:

ՀԱՄԲԱՐՁՄԱՆ ՏՕՆԱԿԱՏԱՐՈՒԹԻՒՆ՝ ՄԱՐԶԱԲԱՆՈՒՄ



Հ.Մ.Ա.Կ.-ի Երեցների միության նախաձեռնությամբ, 2011 թվականի հինգշաբթի, յունիսի 2-ի երեկոյեան ժամը 16:00-ից 23:30-ը, Համբարձման տոնակատարություն տեղի ունեցավ «Արարատ» մարզալանի լողալազանների շրջափակում:

Յորդառատ անձրեւն էլ չխանգարեց ունենալ հաճելի ժամանց:

Խրախճանքին ու ՅԻՍՈՒՄ ԶՐԻՍՏՈՍԻ հրաշափառ Համբարձման տոնին մասնակից էր մեծ բազմություն՝ միութենականներ, բարեկամներ եւ հիւրեր:

Նախատեսվել էին ջան-գիւլումի վիճակահանություն, ասանդական խաղեր ու Համբարձման տոնին յատուկ սովորոյթներ, որոնցից իւրաքանչիւրը հաճելի եւ յիշարժան յուշեր թարմացրեց ներկաների մօտ: Աշխատում էր ճիս բիւֆէ եւ ներկաների տրամադրութիւնը բարձրացնում էր շատ յաջող մի նւագախումբ:

Երեցների միութեան մշտաբարուն եւ լրջօրէն աշխատող կազմը ոչ մի ջանք չխնայեց՝ ձեռնարկն ամենայաջող կերպով կազմակերպելու եւ խրախճանքից բացի՝ նաեւ ներկաներին հոգեկան բաւարարութիւն տալու:

ԵՐԷՅՆԵՐԻ ՄԻՈՒԹԻՒՆԸ ՆՇՆՑՈՒՄ ԱԶԱՏԱԳՐՄԱՆ ՏԱՐԵՂԱՐՁԸ

Յայ մշակութային «Արարատ» կազմակերպության Երեցների միության նախաձեռնությամբ, Շուշիի ազատագրման 19-րդ տարեդարձի առիթով, ուրբաթ, մայիսի 13-ի երեկոյեան մարզադահլիճում լողալազանների բաժնում տեղի ունեցավ համաժողովրդական տոն - դաշտահանդես:

Դաշտահանդեսի ընթացքում Երեցների միության անունից շնորհալուրանքի եւ բարիգալստեան խօսք ասելու հետ միասին՝ տրվեց Շուշի բերդաքաղաքի համառօտ պատմական ու դրա ունեցած դերակատարութիւնը՝ ազգային անվտանգութեան ապահովման հարցում:

Երեցների միութիւնը այդ օրւայ համար պատրաստել էր առանձին գրութիւններ, որոնց մէջ տրուում էին՝ Շուշիի պատմականը եւ 1992 թւականի մայիսի 9-ին դրա ազատագրման նշանակութիւնը, Արցախի եւ Շուշիի աշխարհագրական քարտեզները, Արցախի հիմնը եւ այլ տեղեկութիւններ, ինչպէս նաեւ՝ Նոյն պատմական դրագի մասին հարցարան, որոնք ներկաները լրացնելով՝ յանձնուում էին Կազմակերպիչ յանձնախմբին:

Հասարակութեանը տրամադրւած տեղեկագրութիւններից մէկի համաձայն՝ «Մայիսի 9-ին լրանում է հայ ժողովրդի համար ճակատագրական նշանակութիւն ունեցող Շուշիի ազատագրման 19-րդ տարեդարձը: Շուշիի ազատագրմամբ՝ ոչնչացւեցին ադրբեջանական բոլոր կրակային կետերը:

Շուշիի ազատագրմանը հետեւեց Լաչինի միջանցքի բացման ռազմական գործողութիւնը, որի արդիւնքում՝ ճեղքւեց Լեռնային Ղարաբաղի Հանրապետութեան շրջափակումը»:

Նոյնի համաձայն՝ «Շուշին Լեռնային Ղարաբաղի Հանրապետութեան 8 շրջաններից մէկն է: Շրջանի մակերեսը կազմում է 381 քառակուսի կիլո-



մետր, բնակչութիւնը՝ 4324 հոգի, եւ շրջկենտրոնը համանուն Շուշի քաղաքն է՝ Արցախի մշակութային մայրաքաղաքը»:

Երիտասարդ երգիչ Ալէնը, որ իր նւագախմբի հետ միասին սիրայօժար կերպով ելոյթը նւիրել էր այս պատմական տօնին, ազգային, հայրենասիրական, յեղափոխական եւ ժողովրդական երգերով խանդավառ միջավայր ստեղծեց տարածքում:

ԱՐԵՄՏԱՀԱՅԱՍՏԱՆ ՃԱՄԲՈՐԴԵՆՔ՝ ԻՐԱԽՏԻՐՈՋ ԿԱՐԳԱՎԻՃԱԿՈՎ

**Երեցների միության մայիս
ամսւայ հաւաքը՝ նւիրաճ Եղեռնի
96-ամեակին**

Հ.Մ.Ա.Կ.-ի Երեցների միության նախաձեռնութեամբ եւ Հայկական հարցերի ուսումնասիրական կենտրոնի (ՀՈՒՍԿ) համագործակցութեամբ երկուշաբթի, մայիսի 2-ի երեկոյեան «Արարատ» մարզաւանի «Վաչիկ Ղարաբեգեան» սրահում տեղի ունեցաւ մայիս ամսւայ հանդիպումը՝ նւիրաճ Եղեռնի 96-րդ տարելիցին:



Բացումը կատարեց միութեան նախագահ ընկ. Յարութ Նազարեանը: Նա ողջունելով ներկաներին նրանց հրաւիրեց ծրագրին հետեւել: Այնուհետեւ միութեան Հանրային-հասարակական բաժանմունքի նախագահուհի ընկ. Արմինէ Գրիգորեանը, բարի գալուստ մաղթելով ներկաներին, տեղեկացրեց, որ մայիս ամսւայ հանդիպման առանցքը Մեծ Եղեռնի 96-րդ տարելիցն է, որի համար հրաւիրել է Երեւան քաղաքի Պատմութեան թանգարանի գիտաշխատող եւ փոխտնօրէն տկն. Լուսինէ Ամիրջանեան - Մելքոնեանը:

Վերջինս ընկերակցում էր «ՀՈՒՍԿ» հաստատութեան հրաւերով ելոյթ ունենալու նպատակով Թեհրան հրաւիրաճ իր ամուսնուն՝ պրոֆեսոր Աշոտ Մելքոնեանին:

Տկն. Ամիրջանեանը բեմ հրաւիրելով՝ ներկայացրեց իր չափազանց հետաքրքիր նիւթը, որը տպաւորութիւններ ու յուշեր էին Արեւմտեան Հայաս-

տան եւ Կիլիկիա կատարաճ իր ուխտագնացութիւնից:

Նա իր դասախօսութեան մէջ նկարագրելով ուխտագնացութիւն-այցելութեան ընթացքում տեղացիների հետ շփման պահին ստացաճ տպաւորութիւնները եւ նրանց մօտ առաջացաճ պատկանելութեան մասին տեսակետներն ու զգացումները՝ կարեւորութեամբ ընդգծեց այդ շրջանները յաճախակի այցելել, անշուշտ ոչ թէ որպէս տուրիստներ, այլ՝ իսկական տիրոջ կարգավիճակով: Նա վերջում այդ կապակցութեամբ տպագրաճ մի ուսումնասիրական գիրք նւիրեց «Արարատ» կազմակերպութեանը:

Ուշագրաւ դասախօսութիւնից յետոյ՝ «Թովմասեան» դպրոցի աշակերտուհի Մեղրի Բուդաղեանն արտասանեց Գեորգ Էմինի «Կոմիտասը՝ աքսորի ճամբին» բանաստեղծութիւնը, որից յետոյ ելոյթ ունեցաւ Հ.Մ.Ա.Կ.-ի «Արարատ» երգչախումբը՝ օր. Արաքս Խաչատրեանի ղեկավարութեամբ եւ Արին Աւանեսեանի դաշնամուրի ընկերակցութեամբ:

Երգչախմբի եօթ կատարումների ընթացքում «Սողոմոնեան» դպրոցի աշակերտ Սիփան Մկրտումեանն արտասանեց Վահագն Դաւթեանի «Հաւատում եմ քեզ» բանաստեղծութիւնը:

Գեղարուեստական բաժնի աւարտին



ցուցադրեց «Արարատ» տեսաժապաւէնը, որի հեղինակն էր Հայաստանի Գիտութիւնների ազգային ակադեմիայի Պատմութեան ինստիտուտի տնօրէն պրոֆեսոր Աշոտ Մելքոնեանը: Տեսաժապաւէնը տալով Արարատ լեռան անցեալը՝ պատմութեան ընթացքում, նկարագրում էր նաեւ նրա գազաթը նաճելու փորճերը:

Վերջում տեղի ունեցաւ ընդունելութիւն:



ՀԱՄԵՐԳ ԵՒ ՈՒՐԱԽ ԵՐԵԿՈՅ՝ «ԱՐԱՐԱՏ» ՄԱՐԶԱԽԱՆՈՄ

Հայ մշակութային «Արարատ» կազմակերպության նախաձեռնությամբ, չորեքշաբթի եւ հինգշաբթի, յունիսի 15-ին եւ 16-ին, «Արարատ» մարզաւանի ֆուտբոլի դաշտի տարածքում տեղի ունեցաւ համերգ՝ Զրիստինէ Պեպելեանի եւ Արամէի մասնակցությամբ:

Հաղորդավար Էր հրաւիրւել Հայաստանից՝ Անժելլան:

Յիշեալների մասնակցությամբ կիրակի, յունիսի 18-ի երեկոյեան մարզաւանում տեղի ունեցաւ նաեւ ուրախ երեկոյ:







ԳՐԵԹԷ ԲՈԼՈՐՆ ԵՆ ԱՆՁՆԵԼՈՒ ՓԱՌԱՏՈՆ...

Հ.Մ.Ա.Կ.-ի Արևստից միութիւնը, որ
Նկարչութեան մրցութիւն էր կազմա-
կերպել «Հայոց պետականութիւնը.
5000-ամեայ եւ 20-ամեայ» թեմայով,
ուրբաթ, յունիսի 10-ին Նախաձեռնեց
մրցութեան երկրորդ փուլի իրակա-
նացմանը՝ «Արարատ» մարզաւանի
«Շահբազեան» սրահում: Առաջին
փուլի 100 մասնակցողներից երկրորդ
փուլ էին անցել 47 հոգի, որոնցից
33-ը շարունակելու են մրցոյթի միւս
հանգրուանները: 33 մասնակցողների
Նկարչութիւններից ընտրւելու էին լա-
ւագոյնները: Ըստ ծրագրի պատաս-
խանատուի՝ քանի որ բոլոր Նկարչու-
թիւններն էլ շատ յաջող են եղել՝ հնա-
րաւոր է, որ բոլորն էլ մասնակցեն
Հայաստանի «Հայոց պետականութիւ-
նը. 5000-ամեայ եւ 20-ամեայ» փառա-
տօնին:

Նկարչութեան մրցոյթի իրաւա-



րարներն էին՝ Արմինե Վարդանեանը, Արմինե Չեյթունցեանը եւ Թիեդրա Չոհրաբեանը:

Յիշեցնենք, որ թւականիս մայիսի 6-ի առաւօտեան «Արարատ» մարզականի «Վաչիկ Ղարաբեգեան» սրահում տեղի էր ունեցել Արւեստից միութեան նախաձեռնած Մանկա-պատանեկան նկարչութեան նախընտրական մրցոյթը՝ «Հայոց պետականութիւնը. 5000-ամեայ եւ 20-ամեայ» խորագրով:

Մրցութեան ընտրւածները պէտք է մասնակցէին Հայաստանում կայանալիք նոյնանուն փառատօսին, որը կազմակերպուի է երկրորդ անգամ՝ 6-13 եւ 14-20 տարեկան մանուկ, պատանի եւ երիտասարդների համար:

Որպէս լուսաբանում՝ տեղեկացնենք, որ Հայաստանի Հանրապետութեան կրթութեան եւ գիտութեան նախարարութիւնը 2011 թւականին կազմա-

կերպում է Համահայկական մանկա-պատանեկան նկարչական երկրորդ մրցոյթ-փառատօն՝ «Հայոց պետականութիւնը. 5000-ամեայ եւ 20-ամեայ» խորագրով:

Միջոցառման նպատակն է նպաստել մանկա-պատանեկան ստեղծագործական գործունեութեանը եւ հայրենասիրական դաստիարակութեանը՝ Սփիւռքում եւ առաւել շնորհալի մանուկների ու պատանիների յայտնաբերմանը, խրախուսել հայոց պատմութեան իմացութիւնը եւ հետաքրքրութիւնը՝ գեղանկարչութեան հանդէպ:

Մրցութեան վերջնական ցուցահանդէսի բացումը տեղի է ունեցաւ սեպտեմբերի 5-ին, իսկ ցուցահանդէսի փակումն ու յաղթողների յայտարարումը՝ հոկտեմբերի 5-ին:

ՀԱՅԱՍՏԱՆԻՑ ԴԵՐ ԶՈՐ ՄԿՐՏԻԵՅԻՆ ԵՐԳԻ ՄԻՒՌՆՈՎ՝ ԿՈՄԻՏԱՄԻ ՇՆՉԻ ՏԱԿ Հ.Մ.Ա.Կ.-Ի «ԱՐԱՐԱՏ» ԵՐԳՉԱԽՄԲԻ ՏԱՐԵԿԱՆ 7-ՐԴ ԵԼՈՅԹԸ

Ամեն ինչ ձեռք-ձեռքի էին տուել, որպեսզի ամենահարազատը, ամենաիրայինը, ամենասրտամոտն ու գգելիին տրամադրեն ոչ միայն դրանցով արբող հանդիսատեսին, որոնք Կոմիտասին էին ապաւինել՝ արւեստի ու երգի երանգների մեղմ շնչի ներքոյ մի պահ ապրելու...

«Ողջոյն Սուրբ Կոյս»-ից մինչեւ «ԴԵՐ ԶՈՐ», «Դերիկօ ջան, ջան մարալ»-ով անցնել դեպի «Հայաստան», որ Մոցարտի «Ցասման օրը» «Վուշ-վուշ» ասելով՝ յարութիւն տան յաղթանակի ճամբին ընկած «մեռել»-ներին..., հայդուկներին եւ յետոյ զղջան մեղքերի համար:

Ուրբաթ, մայիսի 20-ին Հայ մշակութային «Արարատ» կազմակերպութեան «Արարատ» երգչախմբի եօթերորդ տարեկան ելոյթն էր, ու Նոբահարի կենտրոնատեղիի «Կոմիտաս»

սրահում բոլորը համախմբւել էին՝ այդ բոլորի՝ ի՞նչ միասին՝ նորից մկրտւելու հայկական ու միջազգային էպոսներ ստեղծող, երաժիշտների ձայնախազերից թուրած միւռնոսով:

Եօթերորդ ելոյթը եւս ղեկավարում էր Երեւանի Խաչատուր Աբովեանի անվան Պետական մանկավարժական համալսարանի դասախօս Արաքս Խաչատրեանը: Դաշնամուրով ընկերակցում էր տաղանդաւոր երիտասարդ դաշնակահար Արին Աւանեսեանը:

Մեղմիկ Ջորջեանն ընթերցելով կազմակերպութեան Արւեստից միութեան խօսքը՝ ասաց. «Երգն ու երաժշտութիւնը՝ անբաժան են եղել մեր ժողովրդի քաղաքակրթութեան կեանքից, այդ իսկ պատճառով՝ Հայ մշակութային «Արարատ» կազմակերպութիւնը իր հիմնադրման օրւանից նախաձեռնել է երաժշտական ծրագրեր, որում իւրայա-



տուկ կարեւորութիւն են ունեցել քա-
ռածայն երգչախմբերը»:

Բացման խօսքում այնուհետեւ աս-
լում է կազմակերպութեան «Արարատ»
երգչախմբի վերջին ժամանակաշրջա-
նի կազմաւորման եւ եօթամեայ գոր-
ծունեութեան մասին:

Օրւայ ծրագրի ընթացքում խումբը
կատարեց հետեւեալ կտորները.

Ա ԲԱԺԻՆ

- 1- «Հայաստան»՝ Էդգար Յովհաննիսեանի
- 2- «Մարալօ»՝ Բարսեղ Կանաչեանի
Մեներգիչներ՝ Զարին Նովշադեան, Արթուր
Գալստեան
- 3- «Դերիկօ ջան, ջան մարալ»՝ Կարօ
Չաքարեան
- 4- «Չանէ Մարիամ», մշակում՝ Ֆարիդ
Օմրանի
- 5- «Stodola Pampa»՝ չեխական ժողովրդական
երգ
- 6- «Habanera» (Բիզէի «Զարմէն օպերայից»),
մեներգչուհի՝ Բեթինա Յովսէփեան

7- «Gloria» (Hayden) (Փառաբանութիւն առ
Աստուած)

Մեներգիչներ՝ Նարէ Ֆուլադեան, Մելեդիտ
Թահմազեան, Արթուր Գալստեան եւ Արման
Տէր-Ստեփանեան

8- «Ave Maria» (Dvorak)

Ռոշոյն Զեգ, Մարիամ, որ լինես շնորհքներով,
եւ որ Տէրը քեզ հետ է

9- «Dies irae», Մոցարտ (Ցասման օր)

(Հատուած՝ «Ռեքւիեմ»-ից)

10- «Fall ward sein los» (Handel)

(Ըն թշնամին կործանում է, ո՛վ Տէր Աստուած)

(Հատուած՝ «Judas Maccabaeus» oratorio-ից)

Բ ԲԱԺԻՆ

- 11- «Ֆանտազիա»՝ Ռոբերտ Պետրոսեանի
(Սայեաթ Նովայի երգերի թեմաներով)
- 12- «Ուռին»՝ Դանիէլ Ղազարեանի
- 13- «Վուշ-վիշ»՝ Գրիգոր Սիւնիի
- 14- «Դեր Չոր»՝ Գրիգոր Փիտեճեանի,
դաշնաւորում՝ Յարութիւն Օդաբաշեանի
Երգը նկրւած է Մեծ Եղեռնի 90-րդ
տարելիցին
Մեներգիչներ՝ Արթուր Գալստեան, Ալմարա
Այլազեան

- 15- «Մուսա Լեռան կարօտը»՝ Ռոբերտ Պետրոսյանի
 16- «Օրհներգ երկրապահի»՝ Ռոբերտ Պետրոսյանի
 17- «Հողը մեր պապենական»՝ Ռոբերտ Պետրոսյանի
 18- «Հայրենասիրական երգերի շարան»՝ Մելիք Մալխասյանի, դաշնակորում՝ Յարութին Օդաբաշեանի:

Ելոյթի աւարտին կազմակերպութեան Կենտրոնական վարչութեան նախագահ Համլետ Խալոյեանը, շնորհակալութիւն յայտնելով երգչախմբի իւրաքանչիւր անդամի, ղեկավար Արաքս Խաչատրեանին եւ դաշնակահար Արին Աւանեսեանին, շնորհաւորեց այս հոգեպարար ելոյթը, որը իւրաքանչիւրի համար բացառիկ առիթ է հայկական մշակոյթն ու արւեստը, հայ երգը

վայելելու համար: Նա հաստատեց նաեւ այն հանգամանքը, որ բոլորի ցանկութիւնն է, որ ամէն գիշեր այս դահլիճում հնչեն այսպիսի երգեր ու կայանան նման միջոցառումներ:

Համլետ Խալոյեանը նաեւ շնորհակալութիւն յայտնեց «Ջանէ Մարիամ» երգի մշակող պրն. Ֆարիդ Օմրանին՝ հանդիսութեանը ներկայ գտնւելու համար:

Նշելի է, որ երգչախումբը ելոյթ ունեցաւ նաեւ հիւնգաբքի, մայիսի 19-ին, սակայն յուրբաթ, մայիսի 20-ի ձեռնարկին ներկայ էին նաեւ՝ թեմակալ առաջնորդ Տ. Սեպուհ արք. Սարգսեանը եւ նորընտիր թեմական խորհրդի ատենակէտ Էդարդ Բաբախանեանը:





ԿՈՄԻՏԱՍԻ ՎԵՐՋԻՆ ԽՈՂԵՐԸ՝ ԸՍՏ ՄԱՐՈՒԹԵԱՆԻ

ՌԵԴԻՑ - ԲԵՄԱԴՐՈՒԹՅՈՒՆ՝ ՆԻՐՈՒՄԸ ԵՂԵՐՆԻ 96-ԱՄԵՏԿԻՆ

Հայ մշակութային «Արարատ» կազմակերպության Արևստից միության նախաձեռնությամբ Մեծ Եղեռնի 96-ամեակին նվիրված ռադիո-բեմադրության յաջող ներկայացում տեղի ունեցավ «Արարատ» մարզալանի «Շահբազեան» սրահում:

Ուրբաթ, մայիսի 13-ի երեկոյեան Հ.Մ.Ա.Կ.-ի Արևստից միության Արամայիս Աղամալեանի անուն թատերախումբը, Վահագն Ազիզեանի բեմադրությամբ, ռադիո-բեմադրության ձևով ներկայացրեց Մանուել Մարութեանի գրչին պատկանող մի կտոր, որը ներկայացնում էր Կոմիտաս Վարդապետի կեանքի վերջին տարիները, երբ Փարիզի հիւանդանոցներից մեկում ապաքինւելիս՝ երկխօսութիւն է ունենում հինգ տարբեր անձնաւորութիւնների հետ:

Բեմադրութիւնն սկսւում է հենց Կոմիտաս Վարդապետի ստեղծագործութիւններից մեկով, որի հետ զուգընթաց՝ սահիկներով ցուցադրւում էին Ցեղաքսպանութեան մղկտալի տեսարաններ, ապա՝ Փարիզ, հիւանդանոց եւ վերջում՝ Ծիծեռնակաբերդ, վերընծիւղւած հայրենիք, Արցախ եւ...:

Երաժշտութեան եւ սահիկների հետ



միասին եւ համադրւած՝ շարունակւում է Կոմիտասի մենախօսութիւնը՝ Մանուել Մարութեանի մեկնաբանությամբ:

Ռադիո-բեմադրութեան մէջ Կարէն Գաւաճեանը ներկայանւում է հիւանդ վարդապետի դերում, Արզին Արիստակեսեանը՝ երիտասարդ Կոմիտասի, Սիփան Մկրտումեանը՝ վարդապետի պոետ այցելուի, Արմէն Չարգարեանը՝ ուրիշ այցելուի եւ Դերիկ Թեքդեանը՝ Կոմիտասի հսկիչի դերում՝ հիւանդանոցում:

Հ.Մ.Ա.Կ.-Ի ՍԿԱՌԻՏԱԿԱՆ ՄԻՈՒԹԻՒՆԸ ՄԱՍՆԱԿՅԵՑ Ն.ԶՈՒՂԱՅԻ ՍԿԱՌԻՏԱԿԱՆ ՄԻԱՍՆԱԿԱՆՈՒԹԵԱՆ ՀԱՄԱԳՈՒՄԱՐԻՆ



Նոր Զուղայի Հայ մշակութային «Արարատ» միութեան Կենտրոնական վարչութեան եւ Սկաուտական միաւորի Գերագոյն մարմնի նախաձեռնութեամբ, ուրբաթ, յունիսի 10-ին, Նոյն միութեան սրահում կայացաւ մէկօրեայ սկաուտական համագումար:

Համագումարին ներկայ էին՝ Թեհրանի Հայ մշակութային «Արարատ» կազմակերպութեան Սկաուտական միութեան, Հայ Մ. «Նայիրի» միութեան եւ Նոր Զուղայի Հայ մշակութային «Արարատ» միութեան Շահինշահի մասնաճիւղի Սկաուտական միաւորների ներկայացուցիչները: Ներկայ էին նաեւ կազմակերպիչ միութեան Կենտրոնական վարչութեան եւ Սկաուտական միաւորի Գերագոյն մարմնի անձնակազմը, երեք եւ աստիճանաւորական կազմերի ներկայացուցիչները եւ մի շարք հրաւիրեալներ:

Նիստերի ընթացքում հրաւիրեալ մի-

ութիւնների ներկայացուցիչները հանդես եկան աշխատանքային զեկոյցներով եւ ընթերցեցին տեղեկագրեր, շարունակութեամբ, ճշտած օրակարգի համաձայն, քննարկեցին իրանահայ սկաուտական կեանքը յուզող հարցերն ու խնդիրները, քննարկեցին զգեստների, նշանների ու գրքերի համադրութեան պարագան, ծանօթացան միմեանց աշխատանքին ու սկաուտական կեանքի յառաջիկայ ծրագրերին, նաեւ եղան համատեղ աշխատանքների կազմակերպման առաջարկներ: Այնուհետեւ համագումարին մասնակցողները բաժանւելով երեք խմբերի՝ աշխատանոցներում կազմեցին համապատասխան բանաձեւեր, որոնք ընթերցեցին վերջինսիստի ընթացքում:

Վերջում մասնակից միութիւններին յանձնեցին յուշանւերներ: Յուշանւերները յանձնեցին Նոր Զուղայի «Արարատ» միութեան վարչութեան նախագահ Մասիս Մինասեանի եւ միաւորի կապ Սեդա Բարդեանի ձեռամբ:

ՇՐՋԱՆԻ ԱՌԱՋԻՆ ԱՍՏԻՃԱՆԱԴՐԱԿԱՆ ԳԻՇԵՐԱՅԻՆԸ



Յինգշաբթի, մայիսի 26-ին տեղի ունեցավ շրջանի առաջին աստիճանաւորական գիշերայինը :

Գիշերայինին մասնակցում էին թուով շուրջ 40 աստիճանաւոր պատասխանատուներ :

Նպատակն էր մտերմութիւն ստեղծել աստիճանաւորների միջեւ ու այդ մտերմութեան կողքին՝ գիտելիքների փոխանցում կատարել մակարդակի բարելաւման համար:

Գիշերայինն սկսեց մտերմիկ խաղով, սկաուտները խմբերի բաժանւեցին եւ մրցեցին միմեանց հետ:

Այնուհետեւ դասարան, կազմակերպութիւն եւ միութիւն հասկացողութիւնների մասին բացատրութիւններ տրւեցին ընկ Արա Ջահանեանի միջոցով: Դասարանի ընթացքում կատար-

ւեց տեսակետների փոխանակում՝ թե՛ մայի շուրջ:

Ապա մասնակիցները խմբակների բաժանւեցին եւ միասնաբար պատրաստեցին գիշերւայ ընթրիքը՝ խարուկով, որը մեծ հաճոյք պատճառեց բոլորին: Գիշերը հետախուզական մրցութիւն կատարեցին՝ միաժամանակ թէյնիկախաղով ու գիտելքների հարցաթերթիկներին պատասխանելով:

Աշխատանքը աւարտւեց թե՛ գրոյցով՝ միութեան աշխատանքների եւ անհատ աստիճանաւորի փոխյարաբերութեան մասին. գրոյցը վարեց Խ. Արբի Գալստեանը:

Առաւօտեան աշխոյժ ու խանդավառ մարզանքից յետոյ՝ նախաճաշեցին բոլորը եւ գիշերայինը փակւած համարւեց:

«ՀԻՊԻԻ ՀԻՊԻԻ»

ՍԵՐՈՒՆԴՆԵՐԻ ՀԱՄԱՏԵՂ ՓՆԾՈՒԹԵԱՆ ԿԱՆՉԸ՝



Սկաուտական աստիճանաւորների համատեղ արշաւ՝ «Արարատ» մարզաւանում

Հայ մշակութային «Արարատ» կազմակերպութեան Սկաուտական միութեան նախաձեռնութեամբ, ուրբաթ, մայիսի 13-ին, առաւօտից սկսած, տեղի ունեցաւ կազմակերպութեան վերջին 60 տարիների աստիճանաւորների ու նոր երիտասարդ սկաուտների մէկօրեայ համատեղ արշաւը՝ «Արարատ» մարզաւանի «Այգեստան»-ի շրջափակում:

Հաւաքն աւելի շուտ մտերմիկ փիքնիք էր, որտեղ Սկաուտական միութեան տարբեր սերունդների ներկայացուցիչները անտեսելով տարիքային տար-

բերութիւնը՝ զւարճալի ու միաժամանակ օգտակար օր անցկացրին:

Խաղեր, ուռաներ, մրցութիւններ եւ..., որոնք յուշեր թարմացնելով ոչ շատ հին, սակայն կայտառ սկաուտների մէջ՝ նաեւ թանկարժէք աւանդներ ու փորձառութիւններ էին փոխանցում աւելի երիտասարդներին: Մանաւանդ խաղերի ընթացքում կարեւորութիւն չէին ներկայացնում՝ խաղընկերոջ տարիքը, հանգամանքն ու սեռը: Բոլորը մէկտեղուած ու կարծես համատարիքներ՝ մանուկների նման թռվռում ու ցատկումներով սկաուտական երգերով ու կանչերով՝ ուրախ պահեր էին արձանագրում իրենց կեանքի թերթւող էջերում:

ՈՒՌԱ . . . , ՈՒՌԱ . . . »



Օրը դեռ կեսին չէր հասել, երբ սկաուտական իմաստաւոր սուլիչների հընչիւնների հրաւերով՝ բոլորը նստեցին «կլոր սեղան»-ի շուրջ եւ քննարկեցին խիստ կարեւոր հարցեր՝ կապւած կազմակերպութեան, միութեան եւ 60-ամեակին նւիրած հանդիսութեան:

Կլոր սեղանի ընթացքում ընկ. Զրաջ Չարիֆեանը բացատրութիւններ տւեց գրոյցի առանցքների մասին եւ երկու առանձին օրակարգերի շուրջ տեսակետների ու մտքերի լայն փոխանակում տեղի ունեցաւ սկաուտական 6-ամեայ ուղեգծի եւ Սկաուտական միութեան 60-ամեակը նշելու միջոցառումների մասին: Ընկ. Արա Զահանեանը եւս բացատրութիւններ տւեց

նախագծերի մասին, որից յետոյ շարունակեցին երկխօսութիւններն ու քննարկումները:

Աւելի քան մէկ ժամ տեւած քննարկումներից յետոյ՝ դարձեալ շարունակեցին՝ սկաուտական կանչերը, սուլիչների հնչիւններն ու կարգախօսերը: Զեւախուզական աշխատանքի աւարտելուց յետոյ՝ բոլոր ներկաները մասնակցեցին փակման արարողութեան, որից յետոյ «Արարատ» մարզաւանի Ս.Խաչ մատուռի շրջափակում մատակարարւեց ճաշ եւ տարբեր սերունդների սկաուտները մինչեւ ժամը 16.00-ը շարունակեցին մտերմիկ գրոյցները:







Հ.Մ.Ա.Կ.-Ի ՍԿԱՌԻՍԱԿԱՆ ՄԻՈՒԹԵԱՆ ԳԵՐԱԳՈՅՆ ՄԱՐՄՆԻ ՀԱՆԴԻՊՈՒՄԸ ՃՐՏԳ. ԳԵՈՐԳ ՎԱՐԴԱՆԵԱՆԻ ՀԵՏ

Յինգշաբթի, մայիսի 12-ին Սկառուական միության գերագոյն կազմը հանդիպում է ունեցել Իսլամական խորհրդարանում Թեհրանի եւ հիւսիսային իրանահայության պատգամաւոր ճրտգ.Գեորգ Վարդանեանի հետ:

Հանդիպման ընթացքում գերագոյն կազմը զեկուցեց միության կատարած աշխատանքների մասին եւ ներկայացրեց միության ուղեգիծն ու գործելաոճը, նաեւ 60 ամեակի աշխատանքների մասին տեղեկութիւններ: Հանդիպման ընթացքում գերագոյն կազմը ներկայացրեց նաեւ միության աշխատանքային հեռանկարը եւ ապա լսեցին պատգամաւորի ուղղութիւններն ու առաջարկները:



ԾՆՈՂԱԿԱՆ ԱՆԴՐԱՆԻԿ ՆԻՍՏ

Սկաուտական միութիւնը թւականիս մայիսի 6-ին գումարել է իր ծնողական անդրանիկ նիստը, որտեղ նախ գերագոյն կազմը ծանօթացաւ ծնողների հետ: Ապա զեկուցեցին միութեան առօրեայ աշխատանքների մասին տեղեկութիւններ եւ ներկայացւեցին Սկաուտական միութեան տարեկան ծրագրերը, որից յետոյ տեղի ունեցաւ մտքերի փոխանակում՝ միութեան ծրագրերի կապակցութեամբ:

Սկաուտական բարձրագոյն աստիճանաւորների ժողովի որոշման համաձայն՝ միութիւնը կազմել է ծնողական խորհորդի գործելակերպ՝ ծնող-սկաուտի փոխադարձ յարաբերութիւնները ճիշտ ընթանալու համար:

Վերջում կատարւեց ծնողական խորհրդի ընտրութիւն:

ԱՐԴԷՆ ԼՐԱՅԵԼ Է ՍԿԱՌՈՒՏԱԿԱՆ ՄԻՈՒԹԵԱՆ 60-ԱՄԵԱԿԸ

1951

Թաակահիս մայիսի 5-ի երեկոյեան միութեան բոլոր անդամները համախմբելով «Սասունցի Դաւիթ» սրահում՝ տօնեցին իրենց միութեան 60-ամեակը:

Թաակահիս մայիսի 5-ի երեկոյեան միութեան բոլոր անդամները համախմբելով «Սասունցի Դաւիթ» սրահում՝ տօնեցին իրենց միութեան 60-ամեակը:

Ծրագիրը սկսեց բացման խօսքով, որում անդրադարձ եղաւ միութեան 60 տարիների ընթացքում կատարած աշխատանքներին, ապա ցուցադրեց Սկառուտական միութեան աշխատանքներից պատրաստուած մի տեսաներիզ:

Միութեան տարեդարձի խրախճանքին հրաւիրած էին՝ Նախկին շըրջանների սկառուտապետերը եւ Գերագոյնի անդամները:

Խրախճանքը շարունակեց խանդավառութեամբ:

Ծրագրի աւարտին ներկաները սրահը թողեցին խանդավառութեամբ, այն յոյսով, որ միութիւնը շարունակի իր ազգանքւեր աշխատանքը եւ առաջնորդի՝ իր Նախկինների աշխատանք օրինակ ծառայեցնելով

Նիապրիլի 14-ին հիմնադրուեց Հայ մշակութային «Արարատ» կազմակերպութեան Սկառուտական միութիւնը, որը այժմ ունի շուրջ 380 անդամներ եւ միութեան Նպատակն է կրթել ու դաստիարակել հայ սերունդ՝ մտաւոր եւ ֆիզիկապէս հզօր սերունդ, որը հաւատարիմ իր տւած երդումներին՝ անմնացորդ կը ծառայի ազգին եւ հայրենիքին:

Հ.Մ.Ա.Կ.-ի 29-րդ ՄԻՋՄԱՍՆԱՃԻՂԱՅԻՆ ԽԱՂԵՐԸ՝ ԱՅՍ ՏԱՐԻ ԹԱԻՐԻՉՈՒՄ (ԹԱԻՐԻՉ՝ յուլիսի 13-ից 17)

Հ.Մ.Ա.Կ.-ի 29-րդ Միջմասնաճիղային մրցութիւնների կապակցութեամբ 2011 թականի ուրբաթ, 17 յունիսի առաւօտեան Հ.Մ.Ա.Կ.-ի Թաւրիզի մասնաճիղի հիւրընկալութեամբ տեղի ունեցաւ խորհրդակցական հանդիպում:

Հանդիպմանը ներկայ էին Հ.Մ.Ա.Կ.-ի Մարզական միութեան վարչութեան անդամներ՝ ընկերներ՝ Արմէն Սաբահգուլեանն ու Նարբէյ Իսրայելեանը:

Նիստին ներկայ էին՝ Հ.Մ.Ա.Կ.-ի Գեարդաբադի մասնաճիղի վարչական ընկեր Դերիկ Արշակեանը եւ Թաւրիզի մասնաճիղի վարչութեան ու Մարզական բաժանմունքի վարչական անդամները:

Սկզբում Թաւրիզի մասնաճիղի նախագահ ընկ. Նժդէհ Աբրահամեանը բարիգալստեան խօսք ուղղեց ներկանե-

րին ու բացատրութիւններ տւեց մրցութիւնների համար նախատեսւած ծրագրերի մասին:

Այնուհետեւ ներկայ հիւրերը տեղեկութիւններ փոխանցեցին իրենց միութիւնների կողմից սոյն մրցութիւններին մասնակցող մարզախմբերի եւ առկայ դժարութիւնների շուրջ եւ ապա տեղի ունեցաւ մտքերի փոխանակում՝ սոյն խաղերը լաւագոյն կերպով կազմակերպելու նպատակով:

Հարկ է նշել, որ 29-րդ Միջմասնաճիղային մրցութիւնները տեղի են ունեցել թականիս յուլիսի 13-ից 17-ի ընթացքում՝ Թաւրիզի մասնաճիղի հիւրընկալութեամբ: Այս շրջանի մրցաշարում խաղեր տեղի ունեցան տղայոց եւ օրիորդաց բասկետբոլի, սեղանի թենիսի, ճատրակի եւ տղայոց մինիֆուտբոլի մարզաճիւղերում:



Հ.Մ.Ա.Կ.-ի ԹԱՐԻԶԻ ՄԱՍՆԱՃԻԻՐԸ ՊԱՏՐԱՍՏԻՈՒՄ Է ՀԻՐԸՆԿԱԼԵԼ 29-ՐԴ ՄԻՋՄԱՍՆԱՃԻԻՐԱՅԻՆ ՄՐՅՈՒԹԻՒՆՆԵՐԻ ՄԱՍՆԱԿՅՈՂՆԵՐԻՆ

Ի նչպես նախապես էինք տեղեկացրել, 2011 թականի Հ.Մ.Ա.Կ.-ի Միջմասնաճիւղային մրցութիւնները կայանալու են Թարիզում՝ յուլիսի 13-ից 17-ի ընթացքում, որի նախապատրաստական աշխատանքների բերումով արտակարգ եռուզեռ է տիրում միութեան տարբեր բաժիններում: Բոլոր բաժանմունքները աշխատանքի են լծել ու աշխատանքների բաժանումներ կատարելով՝ ծրագրաւորած կերպով յառաջ են ընթանում: Կեանքի է կոչել գործադիր յանձնախումբ, կազմել է Հանրային կապի խմբակ՝ մրցութիւնների արդիւնքներն ու անցուղարձերն արտացոլելու համար, կայացել են խորհրդակցական հանդիպումներ՝ մասնաճիւղերի ու Մարզական միութեան ներկայացուցիչների միջեւ եւ աշխատանքներ են տարւում մրցութիւնների որակը բարձրացնելու նպատակով: Ըստ այսմ՝ Կենտրոնական վարչութեան արտօնութեամբ՝ հրաւիրել են քոյր միութիւնների մարզախմբեր, խօսակցութիւններ են տարւում համայնքի միւս միութիւնների ու մարմինների հետ՝ կեցութեան եւ բանակավայրի լաւագոյն յարմարութիւններ ստեղծելու այցելու մարզիկների

համար:

Բասկետբոլի մրցութիւնների համար համագործակցութեան են հրաւիրել Թարիզի միջազգային որակաւորում ունեցող իրաւարարներ եւ աշխատանք է տարւում միսիֆուտբոլի համար եւս օգտւել բարձրակարգ իրաւարարներից:

Միութիւնից ներս նաեւ տեղի են ունեցել լայնամասշտաբ բարենորոգումներ:

Մարզական յարմարութիւններից բացի՝ ընդհանուր մաքրութեան ու կահաւորման բարեկարգումներ են կատարւել: Միութեան մարզադաշտն ամբողջութեամբ ասֆալտապատւել է Ատրպատականի հայոց Թեմական խորհրդի նիւթական աջակցութեամբ:

Բասկետբոլի ձողերը վերանորոգւել են, մարզադաշտը գծել է ՖԻԲԱ-ի հրապարակած վերջին գծային բարեփոխումների ու նախագծերի համապատասխան, որի համար գործի դնելով Թարիզի Բասկետբոլի խորհրդի իրաւարարական կոմիտէի պաշտօնեայ պրն. Ահմադադէի ցուցմունքները՝ միութեանս մի խումբ մարզիկներ յուլիսի 19-ից սկսեալ, 6 օր տեւողութեամբ, երեկոյեան ժամերից մինչեւ ուշ



գիշեր ամենայն համբերութեամբ կատարել են այս դժուարին աշխատանքը:

Մասնաճիւղի վարչութիւնը նաեւ աշխատում է Կենտրոնական վարչութեան համադրութեամբ, պատկան հաստատութիւններից նպաստ ստանալով, հնարաւորինս նախքան մրցութիւնների սկսումը ամբողջացնել եւ միութեան կենտրոնատեղիի վերնայարկը ծածկել երկաթէ կառոյցով, որով աւելի յարմար պայմաններով կը ստեղծւի ընդարձակ սրահ՝ սեղանի թենիսի մրցութիւնների ու մարզիկների ճաշասրահի համար:

Այս աշխատանքներին զուգահեռ՝ մասնաճիւղի մարզախմբերը եւս իրենց կանոնաւոր փորձերով պատրաստում են մրցութիւններին աշխոյժ ներկայութիւն ունենալու համար:

Այլ խօսքով՝ Թաւրիգի մասնաճիւղը ոչ մի ջանք չի խնայում իր լաւագոյնը ներդնելու՝ մրցութիւնները լաւապէս կազմակերպելու համար, եւ սպասում է՝ իր յարկի ներքոյ հիւրընկալելու Զ.Մ.Ա.Կ.-ի մեծ ընտանիքի մարզիկուհիներին:

ՀՆԱԴԻՊՈՒՄ ԹԱԻՐԻՉԻ ԹԵՄԻ ԹԵՄԱԿԱՆ ԽՈՐՀՐԴԻ ՀԵՏ

Ատրպատականի հայոց թեմի նորանշանակ հոգեւոր հովիւ Զոգեշնորի Տէր Վաղինակ վրդ. Մելոյեանը, Պատգամաւորական ժողովի եւ Թեմական խորհրդի ներկայացուցիչների ուղեկցութեամբ, նախապէս ժամադրութեամբ հինգշաբթի, յունիսի 23-ի երեկոյեան այցելեց Զ.Մ.Ա.Կ.-ի Թաւրիզի մասնաճիւղի կենտրոնատեղի՝ ծանօթանալու միութեան աշխատանքներին եւ միութեանականների հետ:

Հայր Սուրբը նախ առանձին հանդիպում ունեցաւ մասնաճիւղի վարչութեան հետ, շրջեց կենտրոնատեղիի բաժիններում, ապա միութեան հաւաքատեղիում հանդիպեց բաժանմունքների վարչական ընկերների ու միշարք միութեանականների հետ:

Հանդիպման սկզբում նախ մասնաճիւղիս նախագահ ընկ. Նժդէհ Աբրահամեանը ամփոփ կերպով միշարք տեղեկութիւններ փոխանցեց «Արարատ» կազմակերպութեան մասին՝ մատնանշելով, որ Զ.Մ.Ա.Կ.-ը Իրանում ամենամեծ մարզական ու մշակութային կազմակերպութիւնն է եւ Հայկական Սփիւռքում այն կարելի է համարել միակը, որ աշխատանք է տանում չորս բնագաւառներում՝ մարզական, արւեստի, սկաուտական եւ երեցներ: Սոյն կազմակերպութեան երեք մաս-

նաճիւղերը գտնուում են Ատրպատականում, յանձին Թաւրիզի մասնաճիւղի, որը եւս ունի չորս բաժանմունքներ:

Ապա խօսքը փոխանցեց Հայր Սուրբին: Զոգեշնորի Հայր Սուրբը նախ շնորհակալութիւն յայտնեց միութեան վարչութեան եւ միութեանականների եղբայրական մօտեցման եւ ընդունելութեան համար, ապա իր խօսքը ծաւալեց՝ անդրադառնալով, թէ ինչպէս հայ ժողովուրդը առաջին ազգն է, որ քրիստոնէութիւնն ընդունեց որպէս պետական կրօն ու միակ ազգն է, որ իր գրերի գիւտից անմիջապէս յետոյ՝ առաջին թարգմանած գիրքը եղել է Աստուծաշունչը: Այս նախաբանով Հայր Սուրբը միութեանականներին, նամանաւանդ երիտասարդութեան, հրաւիրեց ազգանւեր կեանքի կողքին՝ ունենալ նաեւ աստուծանւեր կեանք՝ ընդգծելով:

«Ես գնահատում եմ ձեր ազգասէր ոգին, բայց նաեւ ցանկանում եմ ինձ առիթ տաք՝ գնահատելու ձեր աստուծասէր ոգին: Միութիւնից հեռանալ նշանակում է ազգային նկարագրից ու ոգուց եւ հայկական ինքնութիւնից ու պատկանելիութիւնից հեռանալ, սակայն դրա կողքին ձեզ հրաւիրում եմ եւ դուք էլ ձեր հերթին միւսներին հրաւիրեք ներկայութիւն ունենալ եկե-

ղեցում: Ինչպես միութիւնում էք հա-
լաքում, երբեմն էլ եկեղեցում հալաք-
ւէք: Երբ ես եկեղեցում ներկայ եմ եւ
տեսնում եմ երիտասարդութեանը, աւե-
լի քաջալերած, ուրախ, ապահով եւ
ինքնավստահ եմ զգում ինձ:

«Մեր ազգը պատմութեան ընթաց-
քում մնացել ու գոյատեւել է ազգա-
սիրութեամբ եւ աստուծասիրութեամբ:
Այս երկու իրականութիւնները չի կա-
րելի իրարից բաժանել: Այն կարելի է
նմանեցնել մի աղբիւրի, որից ակունք
են ստանում երկու հոսանքներ, մէկը՝
աստուծասիրութիւն, միւսը՝ ազգասի-
րութիւն: Չի կարելի սիրել հայրենի-
քը, սակայն չսիրել հայրենիքն ստեղ-
ծող Աստծուն:

«Ուզում եմ, որ ձեր կեանքում տեղ
տաք Աստծուն եւ Աստուծաշնչին ու
կը տեսնէք, թէ Աստուծ մեծ բաներ կը
փոխի ձեր կեանքում»:

Նա իր խօսքի միւս բաժնում այսպէս
ղիմեց միութենականներին.

«Քանի որ դուք կոչւում էք արարա-
տականներ, ուզում եմ մի երկու խօսք
ասել Արարատ լեռան մասին»:

«Ինչպէս որ Նոյեան տապանը հան-
գըրւանեց Արարատ լեռան վրայ ու
այսպիսով Արարատ լեռը եղաւ Նոր
կեանքի ու Նոր ստեղծագործութեան
աղբիւր, պիտի իւրաքանչիւրդ որպէս

արարատականներ՝ աշխատէք լինել
Արարատ լեռ, որ մեր ազգի գաւակ-
ները, որոնք տեսակ-տեսակ ջրհեղեղ-
ներից տառապում ու չարչարում են,
վստահեն ձեզ ու հանգչեն ձեզ վրայ՝
տապանի նման, կարողանաք ուրիշ-
ների կեանքի փրկութեան պատճառ
դառնալ, այնպէս որ՝ ալիքներից տա-
րութերուդ մեր ազգի ու ժողովրդի տա-
պանը կարողանայ հանգրւան գտնել
ձեզ վրայ, կարողանաք լինել մի անձ,
որին ազգը կարողանայ վստահել եւ
Նրա մէջ ապահովութիւն գտնել:

«Նաեւ Նշանակալից է այն իրողու-
թիւնը, որ Նոր կեանքից յետոյ, առաջին
աղօթքը Արարատի գագաթից է երկինք
բարձրացել, երբ Նոյը իր ընտանիքով
դուրս եկաւ տապանից եւ զոհի սե-
ղան պատրաստեց ու փառաբանեց
Աստծուն: Ուստի՝ մենք եւս աշխատենք
լինել աղօթքի մարդիկ եւ Արարատի
գաւակներ»:

Հոգեշնորհ Հայր Սուրբի հոգեպարար
ու բովանդակալից պատգամից ու
խորհուրդներից յետոյ՝ տեղի ունեցաւ
հարց ու պատասխան եւ մտերմիկ
զրոյց՝ ներկայ միութենականների ու
Հայր Սուրբի միջեւ:



Հ.Մ.Ա.Կ.-ի Թաւրիզի մասնաճիւղի Արւեստից բաժանմունքի նախաձեռնութեամբ 2011 թւականի ուրբաթ, 10 յունիսին, բաժանմունքի անդամների համար կազմակերպւեց փիքնիք-գրասանք՝ Թաւրիզի հայաբնակ թաղամաս

ՀԱՆԳԻՍՏ ՎԱՅԵԼԵՐ՝ ԹԱՒՐԻԶՈՒՄ

Մարալանի Ս. Աստուածածին մատռան այգում: Առաւօտեան ժամերից սկսեալ մինչեւ երեկոյ՝ ներկաները հանգստաւտ պահեր անցկացնելով ու հեռանալով առօրեայ հոգսերից՝ ջերմ ու մտերմիկ մթնոլորտում տպաւորիչ պահեր վայելեցին:

Մասնաճիւղի նպատակներից է անել հնարաւորն ու կարելին՝ համայնքի անդամների ու միութենականների տրամադրութիւնները բարձրացնելու համար:

Մասնաճիւղի նպատակներից է անել հնարաւորն ու կարելին՝ համայնքի անդամների ու միութենականների տրամադրութիւնները բարձրացնելու համար:

ԹԱԻՐԻՉԻ ՄԱՍՆԱՃԻԴԸ ՆՇԵՅ ՄԱՅԻՍ 28-Ի ՏՕՆԱԽՄԲՈՒԹԻՒՆԸ

Հայաստանի Առաջին Հանրապետության 93-րդ տարեդարձի առիթով, հինգշաբթի, 26 մայիսի 2011 թ. Երեկոյեան, Հ.Մ.Ա.Կ.-ի Թաւրիզի մասնաճիւղի Արևեստից բաժանմունքի նախաձեռնութեամբ, միութեան հաւաքատեղիում, տեղի ունեցաւ ճոխ տօնակատարութիւնը՝ ընթրիք եւ ընդունելութիւն: Միութեանս հրաւերին ընդառաջելով՝ ծրագրին ներկայ էին գտնուել Ատրպատականի հայոց թեմի Պատգամաւորական ժողովի ու Թե-



մական խորհրդի ներկայացուցիչները եւ մեծ թւով միութեանականներ: Ծրագրի բացումը կատարւեց «Սարդարապատ» քայլերգով, որից յետոյ ընկ. Կարէն Սարգսեանը որպէս ծրագրի հաղորդավար՝ բարիգալստեան հետ միասին շնորհաւորական խօսքերով ողջունեց ժողովրդի ներկայութիւնը եւ վարչութեան շնորհակալութիւնը փոխանցեց ներկաներին:

Ապա ընկ. Վարդան Սիմոնզը Մայիսեան յաղթանակների եւ Սարդարապատի, Բաշ Ապարանի ու Ղարաքիլիսայի հերոսամարտերի կապակցութեամբ պատմական ակնարկ ունեցաւ ժամանակի իրադարձութիւններին:

Հիւրասիրութիւնից յետոյ՝ մասնաճիւղի հիմնադիր անդամներից եւ ազգային-հասարակական գործիչ ընկ. Վարուժան Առաքելեանը հրաւիրեց՝ օրւայ առիթով արտայայտելու համար: Նա բարձր գնահատեց հայոց զօրքերի ու հրամանատարների անձնուրաց քաջագործողութիւններն ու դերակատարութիւնը, յանձինս՝ զօր. Դրոյի գեներալ Նազարբէկեանի ու զօր. Սիլիկեանի՝ մատնանշելով մի դուագ՝ Դրոյի կեանքից, երբ նա իր ամուսնութեան գիշերն իսկ, ստանալով

մի հրահանգ-նամակ, թողնում է խրախճանքն ու շտապում է՝ հրահանգը կատարելու համար: Նա նաեւ անդրադարձ ունեցաւ հայ զօրավարների տխուր վախճանին, երբ նրանք Հայաստանի խորհրդայնացումից յետոյ՝ հետիոտն աքսորի քշւեցին, եւ որոնց մէջ բախտաւորներից կարելի է համարել Դրոյին, որի աճիւնները Հայաստանի անկախացումից յետոյ փոխադրւեցին Հայաստան եւ ամփոփւեցին Բաշ Ապարանում, ուր ինքն իսկ 1918 թւականի մայիսին գլխաւորել էր հայոց բանակն ու յաղթանակ ձեռք բերել: Ընկ. Վարուժանը նաեւ մատնանշեց հայ մտաւորականների անգնահատելի դերը՝ հայ ժողովրդի վերագործնքի հարցում, յանձինս՝ Րաֆֆու «Կայծեր», «Սամուէլ», «Խենթը» վէպերի, որոնք խթան հանդիսացան հայի հոգում ազատութեան գաղափարն ու ձգտումը կրկին արթնացնելու համար:

Ծրագրի գեղարուեստական բաժնում ընկ. Կարէն Սարգսեանի նւագակցութեամբ հայրենասիրական մեներգերով ելոյթ ունեցան ընկերներ՝ Սաթիկ Աւագեանը, Նարինէ Սայեադեանը եւ Միւս Աբրահամեանը, իսկ ընկ. Նունէ Սարգսեանը հանդես եկաւ արտասանութեամբ:

Ծրագրի վերջին բաժնում սրահ բերւեց եռագոյնով զարդարւած կարկանդակը, որի հետ միասին՝ ներկաները միաձայն երգեցին Պարոյր Սեւակի ոգեշունչ բանաստեղծութեամբ յօրինւած «Իմ Երեբունի» երգը: Կարկանդակի հատման համար հրաւիրւեցին Թեմական խորհրդի ատենապետ պրն. Ռուբիկ Ջանանէն, մասնաճիւղի հիմնադիր անդամներից ընկ. Վարուժան Առաքելեանը, երեց անդամներ՝ ընկերներ՝ Հրանտ Աբրահամեանն ու Վարդան Լուսինեանը,



ընդ, ինչպէս նաեւ ծրագրին ներկայ արւեստագիտուհի տկն. Մարուսիա Վահրամեանը եւ մասնաճիւղի նախագահ ընկ. Նժդիկ Աբրահամեանը: Ծրագրի աւարտին ներկաները մեծ ոգելորութեամբ ու գոհունակութեամբ թողեցին սրահը:



Հ.Մ.Ա.Կ.-Ի ՈՒՐՄԻՈՅ ԵՒ ԳԵԱՐԴԱԲԱԴԻ ՄԱՍՆԱԾԻՒԴԵՐԸ ՆՇԵՑԻՆ ՀԱՅԱՍՏԱՆԻ ԱՆԿԱԽՈՒԹԵԱՆ ՏԱՐԵԴԱՐՁԸ



Հ.Մ.Ա.Կ.-ի Ուրմիոյ եւ Գեարդաբադի մասնաճիւղերի համագործակցութեամբ եւ համատեղ աշխատանքի արդիւնքում՝ թւականիս (2011) մայիսի 26-ին Ուրմիայի «Արամ Մանուկեան» ազգային սրահում տեղի ունեցաւ Հայաստանի Հանրապետութեան կազմաւորման 93-րդ տարեդարձին նւիրած ձեռնարկ:

Ծրագրի սկզբում բացման եւ օրւայ խօսքերով ելոյթ ունեցաւ Շաղիկ Ջորջեանը: Ծրագրի գեղարուեստական բաժնի ղեկավար տէն. Լորիկ Ազիզեանի եւ



զոյգ մասնաճիւղերի վարչութիւնների միատեղ ջանքերով ներկայացւեց համապատասխան ծրագիր, որոնք արժանացան հանդիսատեսների գնահատանքին:



Ծրագրի հաղորդավարներն էին՝ Գայիանէ Գալստեանը եւ Արին Ֆարհադեանը, որոնք ծրագրի ընթացքում ընթերցելով կարգախօսներ ու նիւթեր՝ անդրադարձ ունեցան մեր ժողովրդի պատմութեան տարբեր ժամանակների, իրադարձութիւնների ծալքերին եւ ժողովրդական հերոսներին:

Ծրագրին ներկայ էին՝ շրջանի հոգեւոր հովիւ Արժ. Տ. Ներսէս քինյ. Պասիլեանը եւ գրեթէ բոլոր ազգային մարմինների ներկայացուցիչները: